

卧象山房詩正集

瑯邪李漁村稿本  
江陰繆荃孫家藏

臥象山房詩正集卷一

五言古詩

壬戌元日退朝作

秋日瀛臺紀事

暮春過後湖作


送少詹事王阮亭先生祭告南海

送汪舟次檢討出使琉球

送宋牧仲按察山東

送相國杜公歸寶坻

送張又陶之神水



送錢官聲編修歸平江

送陸義山編修歸平湖

送田雨來編修歸德州二首

送沈沈大千下第還山東

送黎瀟雲檢討歸清江

送楊六讓歸即墨

送宋稚恭省覲歸淮南

送內

重陽送祁兒東歸

送吳介茲遊大理三首

齊謳行四首

別陳弓良還永嘉

遊天井

懷山詩三首

九日孔心一招同于子先儀部孟端士諭德耿

又樸顏澹園編修諸前輩登慈仁寺毘盧閣

重九與徐栩野張東原蓬海石民白峯趙壺石

月下遊石屋山

與其年義山秋濤石樓自黑龍潭遊祝園

東岬峯

馬蹄石

夕陽阿

銅雀臺懷古

楠樹

辰龍關

亂石關

馬鞍關

芙蓉關

渡辰溪

自栗子關十里至迴龍閣遇雨作

油榨關

相見坡

江西坡紀黔人語

蘆荻村山行

楊家關山行

清溪洞

石門山

棲霞山

貴陽王文成祠

鐵梁峽

過初祖庵

鄴中懷古

王清遠別墅十三首存二

大椿軒

嘯臺

白沙翠竹江村十三詠存一

芙蓉泚

與徐栩野汪鈍予舍姪秀實遊摩訶庵

出西便門有感

寶珠洞

聖感寺

宿龍泉庵

潭柘寺

宿戒壇寺

燕九與潘雪石檢討遊白雲觀

清明與杜少東塘雪崖黑窰廠登眺

五日與袁杜少編修崔宗五檢討遊金魚池

登米石絕頂

劉六皆學憲招同杜湘草飲古歷亭

與宋和九張玉山遊酌突泉

渡錢塘江

立秋日過七里瀨

仙霞嶺

五顯嶺

大竿小竿嶺

楓嶺

浦城病中思榛兒

思女

甲子正月初三日河堰寓目

與齊貞吉家德公伯舍臥衡飲祖家園水亭以

心遠地自偏為韻

中頂回香亭晚眺

與劉子羽登東山

雪後過半山亭

與徐栩野遊沙埠園二首

題立嵒庵晚風亭

過石梁碕

與秋士石民遊臥象山二首

題春渚閣

初晴張蓬海石民兄弟過荷堤

緣水園雨後

村曉

村居秋夕漫興五首

寄周櫟園先生四首

寄趙山公

懷孫仲孺二首

寄鄭司直

哭侍讀施愚山先生

哭陳其年檢討

李梅崖觀察於真定署中濬池得泉字曰芙蓉

賦二詩寄之

上總憲徐立齋先生

贈萬貞一

贈雪崖

寄隋東望孝廉

范性華過訪賦贈

秋懷詩四首

初冬紀興

富川令劉江屏殉節詩

遣興三首





臥象山房詩集卷之一

琅邪李澄中漁村著

五言古詩

壬戌元日退朝作

漏斬春星高和風扇雍熙雞鳴問未央  
勤儉日益滋靈鼉聲淵淵咫尺凜  
天威東華日初躍流光閃龍旗  
宮闕儼山河倏忽風雲馳八荒  
羅玉帛奉朔來京師琉球駕海至  
接踵高句麗其餘諸小國貢琛何  
纍纍卉服各異製侏離安可知  
王會逮萬里聖化靡不治張弛帝德  
大淵默王道基朝罷詔燕饗湛露良

在斯大樂奏鈞天髣髴追咸池豹胎雜熊蹯金盤間  
玉卮諸臣既醉飽倍覺 皇情怡賡歌聞自昔永為  
千世規

秋日瀛臺紀事

隔苑湖水高秋風颺已涼虹橋轉瓊島時聞蕙苗香  
簾葭莽蕭瑟喬木森成行孤亭染丹霞長廊廢迴塘  
髣髴銀漢落水上開宮墻五雲護瑤闕暈為日月光  
有時泛龍舸魚鳥紛迴翔驚颺吹石鯨奮吼鱗鬣張  
西山俯櫺檻螺髻青以黃直北洗妝樓岷兀凌蒼蒼  
神臯地力拱勝槩 皇居昌微臣散木材日對川與

梁謁入蓬萊宮視聽不得詳如從天畔歸懷抱凜冰  
霜

暮春過後湖作

林杪旭日升淪漪時蕩漾夾岍垂柳交蔥蒨不可狀  
妝樓遺舊址葢葉聳孤嶂湖水截其湍餘波委寒漲  
人烟麗山椒籬落互相向勝蹟滿京華風物此獨曠  
東拱景山深南注瀛臺壯葭莢美清曉鷗聲雜漁唱  
軟塵已復消神理忽自暢延佇獨移時歸來轉惆悵

送少詹事王阮亭先生祭告南海

盛治驅百神莫如南海靈 王者念其勞祭告通精

誠赫赫少詹事奉 命實遙征雨雪涉遠道歲暮別  
思生百粵異風土五嶺與雲平古廟屬廣州祝融垂  
鴻名齋沐衣裳肅潔蠲黍稷馨髣髴薦享時日星概  
以明穹龜與巨魚拜舞洪濤驚從茲歲事稔四時雷  
雨清憶昨東粵地亂賊敢橫行近年始授首赤子免  
鬪爭先生金閨彥談笑富甲兵擬借揆天才一洗戰  
血腥枕櫛坐題詩鐵樹寒抽萌百卉冬不凋正月聞  
啼鶯壯遊銅柱外駕言返蓬瀛陳書見 天子柔遠  
古有經

送汪舟次出 使琉球

皇帝二十載雍和被 八方屬國奉正朔月塞皆賓王  
郵封有舊制恩施逮遐荒 聖朝重典禮盈庭簡材  
良我友汪仲子 王命爾所將丈夫飽經術用世罔  
不臧及茲使絕域駕海排帆檣驚濤鳴作雷開闔變  
陰陽月明蚌珠吐標建蝦鬚張髣髴龍威出貝闕森  
瑤光四顧地維盡仰視惟青蒼 丹詔百靈護御氣  
如清霜倏忽起馬齒揚光日月旁出使能不辱雖遠  
庸何傷夙昔同心友臨歧各盡觴驪歌袂不發寵命  
實煌煌文德溥淳熙武功銘旂常待君萬里歸謨烈  
高無疆

送宋牧仲按察山東

宋公圭璧姿磊落翰墨場一出贛江口再出通路旁  
虞庭慎五刑司臬領東方執法操物命豸繡何煌煌  
平反本經術折獄資材良于今世已平百度皆精詳  
惟有刑措風夙夜勞我皇齊魯股肱郡簡命君  
所將明遠古有訓哀矜幸勿忘杜甫歷下亭卓立湖  
中央拳石華不注似拆青蓮房在昔邊與李中原鞭  
弭張事去百餘載風流歸渺茫雅鄭有代謝物論互  
相妨燕山舊才子聯袂同翱翔况有侯賈徒淘汰無  
糝糠會英揚其華左右芙蓉香矯首泰山岑六月飛

清霜

送相國杜公歸寶坻

盛治建中和燮理資元臣我公伊傅材手轉萬物春  
秉鈞二十年再見風俗醇憶昔軍興時謀畫實苦辛  
一麾掃黔蜀再麾清滇閩太平歸我皇徐乞烟霞  
身朝廷念碩膚上公應紫宸以茲識明良君臣義始  
伸丈夫慎出處爵祿匪所珍名垂天壤間重返東山  
輪是日都城外嘆息傾路人小子舊侍坐離思難具  
陳何以勸加餐晚節逾日新崇德邁昔賢令名無等  
倫

送張又陶之神木

識君自殘臘數載虛聞聲握手出素心一見還相傾  
會面能幾時人事浩縱橫咫尺尚睽隔樽酒安可輕  
分襟卽往路關塞懸孤城朔風吹落日颺颺棄草生  
沙礫時飛揚千里黃雲平鄉思漸以遠離思漸以縈  
君子在下邑官閣如柴荆

送錢宮聲編修歸平江

病臥始經旬君歸有前期言念平生歡星散浩難追  
古人重離別後會不可知而况我與君俱非少壯時  
鄉心鱸魚膾客夢蓴菜絲三泖太湖間去去獨委蛇

幸因北風發寄我長相思

送陸義山編修歸平湖

凜凜歲將暮送子還故鄉北風天漠來吹雪滿漁陽  
明當就往路有酒且盡觴夙昔共岑寂官清如休糧  
興文互斟酌造朝隨顏行桃園賦詩處此樂安可  
忘况我遲暮身臨歧情愈傷延佇在斯須會面不復  
長燕山與浙水夜月遙相望縱有尺素書道遠誰為  
將

送田雨來編修歸德州 其二

夙昔風味佳對君如橘柚相好匪阿私實維生民秀

昨日請告歸我亦訝君瘦嗟此馳騫時去國一何驟  
自古有心人遙情託雲岫

其四

予久志遂初歸鞭愧先著君豈埋照人去去重一諾  
數載託末契抗懷在蹇諤送送別思生嘅焉菴林壑  
珍重臨歧言高才勉述作

送沈天千下第歸山東

明發失意歸是我昔時路看君英妙年無為嘆遲暮  
讀書貴知命豈獨在章句窮達本由天人生信所遇  
相送鴻雁秋衣裳戒霜露蒼蒼白溝烟渺渺金臺樹

歸來自閉關聊潭深山霧

送黎滿雲檢討歸清江

昨夕聞歸期離別何倉猝我欲挽征車高堂有白髮  
六載京雒塵安貧少干謁自笑拙言辭努力餐薇蕨  
此去雨雪中半途逢正月况已迫衰年桑榆日向沒  
一杯望河關悵然念明發

送楊六謙歸即墨

楊子戀沉冥嘉遊與世違天風吹大牢策馬來玉畿  
握手追舊歡此意世所稀大火頽西流高秋鴻雁飛  
人生各南北明日君當歸齊門望嶧華鄉關朔海沂

長途倚僕大寧免渴與饑慎茲溼暮身霜露沾人衣

送宋稚恭省覲歸淮南

秋風塞外來吹我燕山樹草色青以蒼中有還鄉路  
昨歲京雒塵與君始相遇抗懷見古人論文表情愫  
行世五箴規常恐多謬誤脂車感明發告別一何遽  
君有垂白親倚閭愁日暮人生天地間孝友匪細故  
挽綏卽送行欲去屢回顧去去感人情壯年乃孺慕

送內

吾生落魄久子能甘貧賤垂老謁承明分手隔鄉縣  
前年益夏來艱辛歷已徧巾車明日歸骨肉忽分散

見女傷人情牽衣淚如霰人生苦別離山川在覲面  
予病滯他鄉饑渴與汝判各保千金軀生還會相見

重陽送祁兒東歸

明朝送汝歸節序當重陽孺慕不恐發徘徊使我傷  
憶汝初生時吾年四十強已喪數男兒棄擲歸山岡  
恐痛不汝愛愛之恐汝妨子今冠且婚頎然如我長  
丈夫少壯時發憤愛景光汝祖望我深二十困名  
場蹭蹬三十年氣竭不復楊悔心悼夙昔快意恣猖  
狂盛氣有蹉跌垂老趨路旁獻賦感主知一官十經  
霜客久變故多親知徃徃喪漸及骨肉間寂寥兄弟

行兒女各天涯千里遙相望今歲病相尋鬚髮半已  
蒼父母望子心棄老相扶將者汝好身手讀書不精  
詳以茲生隱憂門戶何由昌涉世如履冰學問慎周  
防積書數千卷卷卷手自裝妄謂汝能讀光華生縹  
緲此意汝須知吾老多徬徨

送吳介茲遊大理

華陽志王風漢史傳西南迢迢萬餘里山水恣幽探  
上下坡嶺間車馬為烟嵐草木九州外別有樞與楠  
千尋驚孝竹斗大憐黃相鬢髯西域僧名花種優曇  
紀行昔有作挂漏良不堪誰為後來者靈洞還停驂

其二

唐人入滇稀險巖稱蜀道迴環相見坡千峰勢欲倒  
遊魂寄石稜肩輿行木杪竟日白雲中耳目失昏曉  
臭味嵐瘴餘螫人厭毒草靈鷲及猿豺創見獸與鳥  
烏黑青紅苗九夷昧所考關嶺接雞公咫尺摩蒼昊  
巔岼象鼻巖黔山一時掃傾跌惜髮膚俯仰令人老  
高宗服鬼方三年事征討君今亦何為稅駕苦不早  
垂白愛遠遊探奇慰枯槁

其三

昔余遊滇池恨未至點蒼列嶂排青天向背分陰陽



上多不死藥玉室連金堂有時散靈氣颼颼如秋霜  
下看洱海水宮魚二寸長更擷高河菜雜以鹽豉香  
歸富來述作亦可克君囊一讀三歎息吾老惟縹緲

齊謳行

夏禹奠神功負海惟青州九河既疏滄淄濰亦安流  
登封首東嶽金簡不可求縹緲三神山溟渤恣沉浮  
臨淄古名郡川陸廣且修中多俠少年日夕揚清謳  
闔雞南陌上走馬西山頭蹋鞠何翩翩六博臨高樓  
鼓瑟厭騷屑短衣懸吳鉤射獵競剽勇技擊無時休  
杯酒使意氣拔劍起相仇丘山一諾重排難寧顧酬

生為萬夫俊死亦垂千秋

其二

冀鳩歿云久季前世亦移龍鍾渭濱叟起為王者師  
剖符來營丘英風生華鬘山河壯十二形勝古所推  
陰謀上帝忌往往中葉衰嗟彼大國風興廢良在茲

其三

桓公昔鴻舉仲父實相須情忘射鉤隙深謀與之俱  
魚鹽富海孺什伍聯征徒照耀衣裳會倡義扶天衢  
北伐凌燕代南討蹈楚都十二國諸侯屏息相奔趨  
勲庸垂竹帛英名激頑夫授命檻車中何由展良圖

道屈才智短時會風雲扶鮑叔伊何人黃金鑄其軀  
奄忽世代速英雄困吹竽誰知天下才跼蹐甘窮途

其四

穆陵自雄風渤海生陽春山川何曠莽三齊多異人  
田橫恥歸漢魯連不帝秦誰能辨淄澠士前常逡巡  
雞鳴與狗盜益嘗為上賓安知污穢中屠販無俊民  
豪傑乃虛已駕御有屈伸鄙儒守繩墨詎識達者倫  
別陳弓良還永嘉

久客歸夢斷安知是他鄉臨當就歧路踟躕縈衷腸  
有酒共斟酌良會不復長羈愁滿四載飄忽鷄衣裳

鞅鞅天涯身日暮獨傍徨念昔携手遊涕淚望河梁

其二

惜別願君留久客願君歸北風野蕭條浮雲常依依  
素旄臨往路能辭渴與饑故鄉日暮遠遊子天涯微  
安得雙黃鵠共爾離哉飛

其三

歸息日以新離息日以悲此別在須臾後會安可知  
人生若颺塵奄忽浮雲馳代馬依往路日影東南垂  
江湖阻且長疇能託心期努力奮高足策名及良時

遊天井

蕭辰忽不憚登臨寄慨嫌迴澗何鬱曠振策越崇岡  
天井翳林樾四面繞飛梁削壁萬仞青束練不復長  
膝行肱相代心悸神奮揚命懸榛棘間踵指遶倉皇  
徒跣步詰曲流潦清且涼喧飀驚瀑注窈窕石門蒼  
俯視氣凜冽濺沫隨風颺想彼鴻荒時日月匿精光  
一勺漏滄海開閉分陰陽蛟龍自雲雨何事空摧藏

懷山詩

結茆是何處乃在北山陽靈塔披錦苔山有瓏塔嶂澗水  
聲琅琅琪樹吐玉華瑤草發金光采得不死藥醉臥  
仙人牀手携王子晉吹笙同翱翔英英白雲絲飄拂

我衣裳倏忽隳京雒櫻被塵埃黃

其二

東練捲晴虹崩雲瀉千尺谷音為之空搖蕩肅心魄  
還睇笋圭峰錯落珊瑚碧雷軌劃石門足踏霹靂圻  
時來福地開造物不復惜茫茫萬代塵此中留我跡

其三

萬峯如旋螺四圍削壁空草木養太古寒潭當其中  
飛瀑挂晴雪喧飀無始終雲氣時出入云是蒼龍宮  
石闕劈雙峽颺颺來長風上與銀潢接下與滄海通  
誰能鑿此窟默想造化功

九日孔心一憲副招同于子先儀部孟端士論  
德耿又樸顏澹園編備諸前輩登慈仁寺毘

盧閣

九日天氣佳遊興安可忘選勝登傑閣丹梯凌蒼蒼  
簷角礙白日下視飛鳥翔似出天地外指顧盡八荒  
皇都何壯麗煥爛金銀光悲風大漠來秋色滿漁陽  
孤塔薄西山遠勢忽低昂寒烟漫平楚四野丹以黃  
俯仰惜歲晏當杯獨慨慷

重九與徐桐野張東原蓬海石民白岑趙壺石  
月下游石屋山

携友送重九乘夜探層巒草白霜露下月色生高寒  
洞口豁幽窈我心與之寬雙峽關深雷天影相糾盤  
捫蘿陟曲磴風林響哀湍夜氣微茫中咫尺無定觀  
萬籟秘不發巖壑性始安俯仰見古今欣感有更端  
嗟彼黃菊花明日忽已殘

與其年義山秋濤石樓自黑龍潭遊祝園

昨歲重陽時振策探龍湫今來九月杪古木風颼颼  
拾級臨積水黝怒未肯流閃閃雷雨碎寒色凜高秋  
黑龍戢鐵鱗蟠處蒼然幽蘆花翳夕景上有浮雲愁  
廟食自前代亢暘每虔求城陰生迢遞聊可恣優游

更過東鄰去歎息此林丘

東岬峯

積翠聳孤標神秀倚霄漢莽蕩衆壑開勢若風雨散  
何日陟絕巔長嘯出天半

馬蹄石

友公英多人雄心託神駿至今石上跡霜蹄猶奮迅  
想當攬轡時嘶風駐千仞

夕陽阿

夕景望朝暎空山倍蕭遠翳翳草色熏凜秋淒以晚  
樵歌幾處歸餘光在遙巘

銅雀臺懷古

魏武遺雄風高臺鬱嵯峨西望太行山前臨濁漳河  
誰知千載後化為巖與阿無復西陵樹歌吹柰若何  
乃知豪傑人兒女情更多鞭箠使九州香履戀綺羅  
不及臺下瓦與世同消磨

楠樹

楠樹挺奇姿勢壓蒼山巔古根穴厚地上枝掃高天  
空山風雨夜應與雲雷纏大澤莽蕭瑟蛟龍相周旋  
颼颼撼山壁恐怖使人憐自古樗與櫟不材幸自全  
如何棟梁用含貞保歲年

辰龍關

堯關黨層霄拾磴躡烟入下視氣慘悽天東峽勢急  
山脚細草盤石齒繡花澀鑿空雙門開削壁一峰立  
窈窕五里餘古峪高雲濕辰州此咽喉奇險神工集  
長嘯下高原秋陽滿蓑笠

亂石關

關門積亂石徐步自喘汗突兀見南峰披雲黨霄漢  
晚霧嵐氣餘洪荒猶未判野鳥聲如人啼處青霞爛  
西下大壑深宵黑氣未散設險不足恃徒啟後世亂  
吾欲產壘嶂坦然安里閑

馬鞍關

豁連蒼山口取像名馬鞍羊腸緣絕壁斗削凌千盤  
錦屏列驚峽山氣常高寒緬想巢燧前人物各自安  
軒轅七十戰設險遂萬端亂賊敢割據致令民力殫  
雄畧出 廟堂戈甲驅材官大義即勝兵一揮掃賊  
殘壁壘盡秋草至今猶壯觀

芙蓉關

兩崖束雄關斗削疑鬼工羣山盡西向面面青芙蓉  
峽勢何窈窕列嶂摩蒼穹白日忽倒景回首飄驚風  
玉帛走中原南北北路通自古恃危險兵謀有時窮

豈知造化力人天相代終

渡辰溪

步出辰溪門延佇待小舟  
隔岸紫金山勢壓長江流  
漁子沉大網鱸魚如可求  
登艦溯流上下水忽焉道  
砥柱仗丹崖洄湫若龍湫  
一棹得徐行達岸聞清謳  
倚杖眺孤城斜陽滿高樓

自栗子關十里至迴龍閣遇雨作

谷口自詰曲關勢何崆嶒  
十步九回折磴道連蒼穹  
雜樹澗忽滿幽樛青濛濛  
數折至絕頂開闔無始終  
下見沅江水沿洄循谷中  
鳥道挂一線上下如蠶叢

輿人聲號呼側足臨蛟宮  
十里見傑閣迴龍盤虛空  
秋色昨夜至颺香來長風  
關門飛急雨濺沫懸玉虹  
咫尺路已絕豁達山巖通  
歇馬投古驛衣衣聞秋蟲

油榨關

衆山氣鴻濛勢可天地配  
百折陟雄關嵯峨兩崖對  
日月爭一門恐與風雲礙  
夜來急雨過雷霆聲在內  
羣岫如列眉俯見飛鳥背  
峯攢萬壑低苔古亂石碎  
萋萋感物華莽莽閱人代  
叱馭此羊腸一往誰能再  
悠然念載驅吾徒自勝槩

相見坡

離別為參商人散如雨誰知造物仁不欲分携苦  
今來相見坡盈盈隔幾許三岡遶回環覲面尚可語  
西坡阻且長驅車日當午僕馬同渴饑石磴不堪數  
願為雙黃鵠凌風自高舉

江西坡紀黔人語

天無三日晴地無三尺平黔人為北語念之心骨驚  
今登江西坡指顧風雲生千峯在足底羅列何崢嶸  
肅肅奉王命宵夜自造征跋涉七千里已踰兩月  
程每當坡陀間詎忘危慄情烏道挂絕巘下聆鷓鴣  
聲畏途一蹉跌萬仞無留行髮膚寧復惜饑渴良可

輕側足臨高岡守身保令名

蘆荻村山行

一山為一花離立詎相連散作萬芙蓉仍耕山下田  
尖銳各成峯峰峯刺青天像形靡不周其天僅一拳  
遠近互掩映層層擁飛烟有時隔壘巔露出蒼山巔  
宛轉詢佳名苗語徒輕便侏僂未可曉義理何由宣  
嗟茲靈秀質生彼窮荒邊

楊家關山行

一山如一峯一石為一山山山各異勢迎距了不閒  
山上荆與榛山下苗與蠻衡門倚絕壁出入白雲間



驅車來此境我行何時還

清溪洞

陰洞積古蘚削立訝爾牢懸崖巖石浪千尺湧飛濤  
窅然具天地陟降遑言勞扶杖步詰曲所歷忽已高  
仰面猿挂枝俯身鶴攀尻屢進不復止鍾乳手自搔  
夫矯垂乖龍偃蹇躡金螯物類各形似相顧求其曹  
再入苦泥塗泉滴響雲墩平生喜創見快如鷹解條  
乃知造化力淺深隨所遭

石門山

石門矗一拳結構自幽邃想山生時深知造物巧

千峰眉際攢螺黛快一掃宮觀何參差陰洞失昏曉  
登樓竹樹青時維仲冬杪西巖敞平疇蒼烟鬱縹緲  
俯仰見巒荒獨立出雲表

棲霞山

荒山徼外多棲霞獨森秀入門見怪石差峩闢雲竇  
竹徑宮殿餘高下迤相授西上有傑閣勢若風雨奏  
冬青何鬱蔥經霜乃愈茂陟降不知疲一洞出山後  
去去踏斜陽夕烟沒遠岫

貴陽王文成祠

文成在龍塢素位惟講席自古豪傑入往往遭遷謫

當其擒宸濠英風貫金石功高不庇身悼此逆旅客  
天欲覺蠻荒遂留賢聖跡霜風蘋藻馨遺祠感今昔

鐵梁峽

崧高多坦途此峽獨深窅千仞削壁青俯窺見飛鳥  
日月匿景光天雲亂昏曉對面高登崖玉女數峯小  
驚石聳巉巖如濤蕩木杪積鐵刷苔痕蒼烟自迴繞  
細路挂剡中涼風吹縹緲仰脅不可攀側足倚蘿萼

過初祖庵

策杖自少林菲庵隔西嶺谷靜遠風迴山深夕陽冷  
面壁記連摩片石尚留影惟餘啼鳥聲對此無人境

我心不自安悠然發深省

鄴中懷古

廢城鬱嶢峽濁漳流湯湯昔人久寂寞我心為之傷  
魏武魁傑人雷同希文王英畧與揆藻茲事推擅塲  
當其神姦時義憤來無方中心實愛才憐彼慨以慷  
東望銅雀臺野鳥啼春陽誰知英雄氣化作兒女腸  
事往難遽識策馬登高岡

王清遠別墅十三首

存二

大椿軒

喬柯覆靜陰心遠亦因地啜茗聆禽言傾杯罕人事

八千為春秋蜉蝣笑榮瘁

嘯臺

獨抱萬古心把酒臨高臺八紘望不極長嘯何悠哉  
孫登老蘇門跼躅非仙才

白沙翠竹江村十三詠存一

芙蓉泚

秋溪霜未落野水明晚霞美人隔遠道感彼芙蓉花  
夢中室正邇忽在天一涯

與徐栩野汪鈍子舍姪秀實遊摩訶庵

攬轡芳徑紆背郭招提遠古柏錯高枝喬林蔭修阪

禪房白日深砌花清香滿欲覓原草稀太息春事淺  
觴至不復餘興來詎能遣追隨有二仲放達憐小阮  
野性閒愈真羈懷曠始展別僧夕陽時呼僮荷篠返  
出西便門有感

別山返故鄉客久意慘愴走馬城西圍樹結風聲壯  
我本山中人倨野少官况抗手揖白雲幽懷一以放  
溝塍多迷途驅僕問巖嶂

寶珠洞

嵌洞穴山椒下吐秋雲白夜來發珠光瑩瑩煥金碧  
俯見衆鳥飛千峰羅几席閣上望京華五雲在咫尺

斜日殘僧歸盛衰感今昔長嘯出山門去去振金策  
聖感寺

南下由寶珠石徑自窈窕 聖主布黃金龍象發光  
耀山雲浮 御氣人天護墨妙崇深殿閣餘香冥風  
雨竅隔屋亂樹叢推憲一峯峭留坐聽鐘聲東山委  
餘照

宿龍泉庵

龍泉與平坡佳名判今曩近寺絕衆囂扶筇信獨往  
晏坐情屢移探幽心自賞久住愛沿洄暫憩憇俯仰  
向夕松氣涼入夜泉聲響崎嶇感世途歷落笑吾黨

一宿桑下歸睽戀不可長

潭柘寺

一山展盡屏迴合亂峰抱古柘雖尚存龍去潭無考  
時見大小青依人沒深草遺跡妙嚴碑至今以為寶  
叢竹受風聲脩脩自美好長松鱗鬣張勢若蛟龍倒  
霜染林葉秋蒼黃半欲老清渠得溯洄倚杖事幽討  
悵然去此山抽簪悔不早

宿戒壇寺

古殿秋色集高壇羅中央峻增塔勢湧半里松風長  
仰面見馬鞍木葉青以黃暝色趨東嶺餘映歸斜陽

空山梵唄音使我心徬徨清夜不能寐慧燈照迷方

燕九與潘雪石檢討遊白雲觀

崇觀接城隅坡陀衍林藪仙翁去不還遺徽誌燕九  
白雲自古今春風滿楊柳老多物外情更借素心友  
宮殿仿大羅龍鸞靡不有夜深朝帝回鏗然響瓊玖  
黃冠集五方形狀雜好醜傾都士女遊戲劇各為耦  
天空鼉鼓鳴地迴霜鐘吼吾欲謁天門瑤草將盈手  
恍惚霄漢間得遇飡霞叟一舉凌烟空劍珮拂星斗  
俯視悲塵寰五嶽盡培塿

清明與杜少東塘雪崖黑窰廠登眺

良辰偕勝侶登高攬清影詎意京國塵有此無人境  
縱矚長隄迴怡情一水永地迴樓閣孤風急衣裳冷  
童叟各為羣葭茨亂不整高林若遠村斜陽沒半嶺  
邈矣散羈懷悠然發深省懸車得遂初去官莫如猛  
行遊在王畿遐心託箕頽

五日與袁杜少編修崔宗五檢討遊金魚池

帝京勝蹟多晏遊各有時此日中柴車采艾金魚池  
念我同心友不異瓊樹枝飲酒豈須醉幽興常追隨  
庭前雷雨過草樹互參差潛鱗躍新水澄潭滌凌迤  
沿洄得靜便曠衍少蔽虧遊人逐時物推移詎復知

一徑雜糅中感悟良在斯遵渚沙路紆夕景歸來遲

登米石絕頂

抗峯摹青天斗削何崔嵬聳身臨絕頂萬里長江來  
喬松蔽山椒下見飛鳥迴有時鼓天風怒濤如奔雷  
披襟坐其下令我懷抱開往往躋勝境俯仰有餘哀  
我欲騎黃鵠乘風凌八垓

劉六皆學憲招同杜湘草飲古歷亭

幽人抱古歡輕舟泛湖潯孤亭生朔風吹此萬古心  
劉公負高義十年契濶深何意來杜老是我夙所欽  
岱宗隔羣山飛雲結重陰維時屬益冬蘆葦還蕭森

人生貴行樂况乃年鬢侵俯仰見昔賢酒竭時復斟

與宋和九張玉山遊酌哭泉

隔牆望清漪空林散竒響客携二仲俱雷激三花上  
石欄寄澄觀茆亭足幽賞地僻雲自攄心閒境逾敞  
仲冬衰柳疎薄日北風爽嘉運有去來移情在俯仰  
宸翰驚魏我舊題笑鹵莽安知澹蕩人忽作江湖想

渡錢塘江

天水爭一機江海不相讓激作浙江潮但覺風濤壯  
隔岸諸暨山松杉擁壘嶂江平廿里餘幽懷忽一暢  
夕陽牧童歸樵歌雜漁唱我行日已遠布帆幸無恙

夜宿愛燈光奇境多自創佳句本無心徃徃窮意匠  
更深酒力疲夢與白鷗傍

立秋日過七里瀨

夾岸遵青山一水明如畫不知天子尊亦覺狂奴隘  
熒熒客星孤歷歷釣臺快人世幾塵勞我舟日行邁  
時序忽蕭辰富貴儼露薤註識物華移但惜筋力憊俯  
仰愧昔賢清風滿江介

仙霞嶺

修竹搏明霞漫空散清影不知幽興深入天隔半嶺  
高岡雜樹稀赤日叢篁冷坐愛百蟲聲彌覺青天永

陟降那復疲戀此無人境閒靜各為懷淺深信祈頌  
路轉入境殊澄心內自省即目不可窮入夜燭當東

五顯嶺

諸嶺首仙霞五顯亦其亞回巒滿修篁清蔭美朱夏  
林外亂峰高際天不見罅人世至此深景物最堪詫  
臨風愛回轉奇懷倚亭榭觸境發興新那復知衰謝  
安能假數椽長此結茆舍

小竿天竿嶺

嶺名大小竿山高却無竹九州至此窮化外地形蹙  
連峯摩青天氣候少清淑竟日不見雲雜樹聲謾謾

饑渴走亂岡忘身在荒服下巔地稍平還投蠻家宿

### 楓巔

綿亘大竿南北巔乃闌地不見楓樹林時有秋風吹  
一溪宛轉流激石有幽致詢之不知名埋沒可深喟  
絕壑散空香雜樹際天翠回首望五顯遜謝獨人事

### 浦城病中息榛兒

榛兒方七月置之遠行遊行至浦城時序忽已秋  
江介異風土觸暑不即瘳夙昔四方志垂老肝腸柔  
連夜夢還家啼笑在我眸他日好男兒息汝無時休  
安能置懷抱釋此他鄉愁

### 思女

嬌女方四歲學語初明白入春筋力健階前行步迫  
去冬客歷城思我啼昕夕明知未還家敲門故相索  
今在萬里途念之那復隔老多兒女情傷茲逆旅客

### 甲子正月初三日河堰寓目

微風清縹塵步輿遵修堰冰融散流澌彌覺春事淺  
城隅人跡稀夕陽曠以遠常羨荷篠輕自悔鋤菘晚  
俯仰翫水關晏坐不知返忽見西山青春光在遙巘  
與齊貞吉家德公伯舍臥衡飲祖家園水亭以

### 心遠地自偏為韻



緒風麗晴色出郭事幽尋迤邐細路盡渺然春水深  
登亭俯枉渚重以松樹林遙情忽自愜酒竭時復斟  
嗟彼冢中人慷慨憶哀音

其二

柳絮颺雪飛物色淒以遠三春逝如駛來遊一何晚  
新荷葉田田雜花被長阪喬林裊懸蘿蛟龍互偃蹇  
舉觴幽興賒永朝未曾返

其三

京洛多緇塵一水忽無地雲構俯澄瀾助我滌滯意  
微風散淪漪修鱗躍荷芰安得木蘭舟陶然成獨醉

倚檻望西山夕陽落空翠

其四

園林結構殊孤亭擅幽致澄淵含清映野水何所自  
曠望四面開積鬱發良喟風烟物外深丘壑塵中寄  
空林一鐘鳴俯仰見蕭寺

其六

步出右安門彌望皆水田沿河多勝槩至此忽成川  
白楊莽蕭蕭岸葦何芊芊畫舫截作亭我心與悠然  
豈惟暫遊憩聊可忘歲年

中頂回香亭晚眺

野寺何巖曠規模準岱宗樹蔭碧琉璃殿瑣青芙蓉  
孤亭號回香古池潛虬龍荷葉尚未攬新蒲已茸茸  
水色恬若鏡照見西山峯夕陽幽意滿欲去還聞鐘

與劉子羽登東山

東山暮色佳悄焉悲獨往伊人秋水身相視一愴恍  
徐步陟崇岡風林無定響躋險苦力疲迴衣牽宿莽  
暗遵鳥道紆乍窺天宇敞登高無吝情身世共俯仰  
前峯烟霧冥雲氣恣所黨明發君當歸同懷各欣賞  
雪後過半山亭

山中氣候殊霽雪少凡境故戶縱遐矚淺深隨所願

今來山半亭幽懷尚未逞峭蒨松竹餘流光散清影  
積葉潔於花冰霜相與永吟嘯不敢煩巖壑安其靜  
寂寞得澄觀心跡內自省

與徐栩野遊沙埠園

我欲遊西園凌晨踐芳甸喬木故家餘白沙隱葱蒨  
迢迢一徑迴隨松引遙眇愛此嘉樹陰重以流鶯囀  
地僻景易新物移情屢變歡來無定倪樂往有餘善  
攬彼竹氣香登亭張清醺

其二

古亭如雲蓋結構想其初前者翦荆棘後者來巾車

榆柳烟外深竹柏風中疎客鳥乘春鳴天籟殷空虛  
即景理不隔觀化樂有餘何必山與水曠懷隨所居

題丘岬庵晚風亭

登亭臨枉渚惠風忽已春灼灼藥欄花爛熳及茲晨  
攀折盈懷袖將欲寄所親美人隔遠度含情誰與伸  
維園亦有葵維山亦有榛百慮積清晚撫此風中身

過石梁碕

徑轉亂山深合沓路已盡縱矚得空明蒼翠時相引  
坦步境屢移我情不可準涓涓溪溜鳴蓄石漸成笋  
幽人愛沿洄物候苦淒緊倚杖白雲生天風急秋隼

與秋士石民遊臥象山

慷慨招隱士投跡茲山中飛瀑下高天雲氣生晴虹  
蓄石怒相濺雷霆無始終鐵壁自太古三塔何玲瓏  
前山路幾合沿溪豁然通石門誰為鑿授受不可窮  
乃知造物心適轉歸鴻濛

其二

牛渚堪怡悅是門啟龍湫削壁忽洞黑雙峽令人愁  
古潭霹靂碎震蕩無時休石面劈鬼斧窈窕洪荒留  
陶鑄元化中天倪不可求雷雨但一氣溟海蒼然收  
我心如太古高眺石梁秋

題春浮閣

小閣浮春瀾前與雉堞對幽人雖僑居草率亦勝槩  
御河抱城流出罅衆水滙過橋野色佳舉網波紋碎  
思為尊鱸深興較濠梁倍剪伐柳乍稀蕭瑟蘆還在  
短檐貯氤氳四時積烟靄風來雨氣涼歌盡琴聲代  
甘旨欣有餘詩書未敢廢渺渺集遙情蠢蠢笑流輩  
振策吾當歸夕陽在林背

初晴張蓬海石民兄弟過荷堤

遠來踏草烟鬚眉帶秋色村村改舊容始知風雨力  
俯仰剩此亭高天為我德殘荷挺孤房柳靜溪光直

稼穡乃民命豐歉在頃刻君聽寒蟬聲已為霜露得

綠水園雨後

風柳無定姿臨溪有遐想去年疏石泉隔堤送餘響  
松竹手植多老人志速長今秋苦雨靈圯坦生俯仰  
所幸吾廬存羣山聚新爽沾濕荷鋤來予心亦已廣  
夕陽蒹葭烟雞聲出菰蔣

村曉

步屨緣旭光濕烟宿草際隔溪蘆葦秋雲定柳風細  
今年愛西村移家隨樹藝農務急在晨男出婦相繼  
天地惜勤勞人力生樂歲茲者霖潦愁秋未鮮粗糲

世亂輕稻糧民薄釀乖戾聽此百蟲聲村原望迢遞

村秋夕漫興

長禾被秋阪村靜有古心萬物相代謝白日忽西沉  
農人荷鋤歸孤霞在遠岑清溪何窈窕寒蟬流哀音  
商風昨夜發蘼蕪意已深即事得無為浩歌滿空林

其二

暮山遠近青暝色薰四野不知秋氣深孤懷浩難寫  
衰柳有餘姿寒花不盈把候雁翩翩飛即景人事寡  
俯仰見東臯寤歌獨瀟灑

其三

高天靜秋陰浮雲寒自聚野浦草際流蟲聲暗如霧  
柳影夾岸深坐見微烟度幽人愛苦吟窮達非所顧  
著書悔未成常恐年歲暮百端集一心返景在高樹

其四

雨餘涼氣生秋禾已盈畝男兒不自勤八口仰升斗  
先農即天地粒食本非偶田家惜暝陰所急在奔走  
負擔驅犢歸迎門望白叟孤村閉夕烟南鄰有濁酒

其五

少小好輕薄不肯惜農事老知造物心一粒亦非易  
樹藝望有秋人力安可棄官稅急軍興生死視地利

男婦共一勤本務寧有二  
莎雞向夕鳴同仁在滯穗

寄周櫟園先生

矯矯鸞鳳姿盈盈隔江水  
北風白浪驕秋雲被芳芷  
鍾山莽傾赴長淮渺千里  
豈無雪夜舟楫短不可理  
躑躅懷德音歲月逝如駛  
憶昨在長干酒滿嘯歌起

其二

長干帶晴川鳳臺有遺響  
寂寞古人魂片帆自來往  
勝境託令德江山發精爽  
雅頌生簿書萬物資所養  
憶昨聆雞鳴孤懷浩莽莽

其三

孤懷不可挹投跡空林中  
靜者悅巖棲雲物藏鴻濛  
露菊被長阪雁鶩多悲風  
寸心如繁烟誰能識所終  
腰間碧玉玦意氣徒自雄  
含情遠莫致尺書何時通  
遙遙淮南山側身望桂叢

其四

桂叢已零落空山多雨雪  
積葉擁巖扉一燈互明滅  
身世共岑寂肝腸常苦熱  
寤寐見古人威儀不敢褻  
何以報明德學道甘苦節

寄趙山公

趙子鍾鼎姿理照棲海甸  
幽情世誰知辭榮甘貧賤

春風吹野草一別隔鄉縣引領田橫島太息聊城箭  
憶昨遊南山炙酒夜將半白顛如戟張豪飲那復倦  
醉後叫蒼龍雷雨恣酣戰回首跡已陳時序倏幾變  
客中思故人未覺所歷徧努力崇令名前期邈難踐

懷孫仲孺

京華一以別倏忽易星霜寤寐見君子有懷誰為將  
三載如一日會尚安可長雞鳴以風雨空林遙相望  
山川乃間之天海鬱蒼涼壯士困失路歲暮慨且慷  
寄語同心人努力惜流光

其二

長風吹高臺臺下多寒林之子一相別誰為知我心  
芙蓉不可采歲晚江湖深鴻雁東南飛浮雲無古今  
側身望泰山遠隔梁父岑雨雪阻長路飛蓬為之沉  
思君如明月流光照素衾

寄鄭司直

時觀察  
台州

我心若春風鬱然滿石梁柳條吹不盡散作百草芳  
人生重意氣離合安可常佳人隔於越尺書誰為將  
思欲徃從之道路阻且長縞紵盈我笥蘭蕙貯我筐  
寥廓望南雲惆悵以徬徨古人結良朋勗德遠无臧  
詎知萬里途不異在一堂長者無泛愛下士趨周行

雞鳴自昔賢非予獨褰裳

哭侍讀施愚山先生

夫子昔鴻舉憑軾下臨淄五經實紛綸東鐸稱人師  
振衣臨日觀海色高鬚眉維予魯且僻絳帳許再窺  
叅藩去西江歲月忽如馳林卧十數載遂為天子  
知殿前奏新賦湖上賡雅詩覽之帝曰都弘文非  
爾誰天祿石渠間史館何逶迤直廬得趨侍稽古兼  
晰疑抱茲知罪心寧惜游夏詞是時嵩少來精氣日  
益衰著書連丙夜一燈影離離神旺齒未落白髮已  
垂絲下馬入東華坦步相追隨到門長太息明年吾

當歸人生重首丘過此恐後時荏苒及今春采薪遂  
不支那知病間日便是死別期寂寞敬亭雲寥落宛  
溪湄賦性得中和觸物心常悲風雅賴砥柱詩運悼  
中卑名心老未休宦薄歸何遲旅櫬明日發傷心淚  
漣漣鬢鬢驂龍鸞陰風飄靈旗

哭陳其年檢討

我昔病窶貧君來數相望昨日視君歸臥病聞君喪  
淚下如縷縻氣竭神自傷斯人或列仙誤臥黃金牀  
謫墜向人世困頓菱荷裳十齡足文史十三推擅場  
白首志不就盛名多周章徵書一朝至獻賦追班楊



文采結 主知珥筆石渠旁有酒共斟酌直廬隨雁  
行尋松刺梅園角韻龍湫陽飲啖誇健在大笑蒼髯  
張僉 長者心忠厚後必昌世事難預料天道竟茫  
茫無室與無兒一官死他鄉惟餘身後名寂寞歸山  
岡

李梅崖觀察於真定署中濬池得泉字曰芙蓉

賦二詩寄之

官閣擬辟疆琴鶴祇自怡劇地泉脉通淙淙見流漸  
激波忽成川微風動淪漪艷彼芙蓉花聊以名我池  
清香四面開花葉非一姿平生愛丘壑常與幽事期

而况臨清沼臺榭互蔽虧感涕移我情桂棹亦何為

其二

恒山本拳石飛來自朔方韓侯下趙處兵氣如秋霜  
悲風吹瀛海落日愁太行觀察泣茲郡風雅夙所長  
退食自臨流左右新荷香菰亭間瓊島虹橋轉飛梁  
拂袖揮素琴花實互低昂明月鑿我心游鱗躍我旁  
重地資坐鎮此樂殊未央

上總憲徐立齋先生

嵯峨洞庭山浩渺三江潮時清名世出五百當 聖  
朝天子海嶽秀臯夔翊神堯對策推獨步令名日以

昭金鳩掠瑤海健翮搏秋颺既歷左右必謙謙德彌  
劬特簡御史臺大夫率羣寮糾彈百度肅丹陛風蕭  
蕭補袞古所重示民庶不忉

贈萬貞一

四載秋風前與君始相遇津逮搜秘書稽古掃雲霧  
授簡得同直清言每日暮退食東華歸携手咏徒步  
阮懷其年皆  
有徒步行疑義各相晰常恐多謬誤共事四五人  
小心理章句春踏御河秋攬後湖樹世態真飄風人  
生感萍聚吾曹苦常勤幽懷在良晤求友古所難短  
章表情悃

贈雪崖

龐公遊物外託跡瀛海濱一朝上玉堂辭賦何嶙峋  
移居共夾巷言笑無冬春踏月聽鄰鐘叩門及清晨  
得句互斟酌三年意彌真浩蕩萬古情磊落五尺身  
我欲采蘭芷願言寄所親大雅久淪廢寤歌託山榛

寄隋東望孝廉

憶在似湖亭論心數晨夕詎意五經秋遠作千里客  
言念平生歡魂夢永相隔昨歲暫過從又未罄夙昔  
倉猝垂翅歸有懷浩如積豈不薄浮雲壯年良可惜  
親老與家貧苦心兩相迫努力青雲途歲月莫輕擲

休倚義有餘行世見標格

范性華過訪賦贈其四

蕭條日暮時遊子多苦心豈不重懷歸寢興嗟滯淫  
天寒浮雲遠故鄉雨雪深尺書絨袖中離思不可任  
登車前執綏難謝夙所欽去者自以昔來者自以今  
庶幾見君子雞鳴滿空林

秋懷詩

平生愛秋光久客多悲心夢想超然臺臺下鬱喬林  
敝廬在其左時有幽人吟少小追歡處馳思不可任  
穆陵接天來蒼翠常陰陰連山赴滄海青螺為之沉

含情末由見郎事欲抽簪

其二

琅邪枕海潮高浪排天來喧飀地維盡孤峯橫欲摧  
神仙如可接恍惚通蓬萊草迷越王壘蘚駁秦皇臺  
青山盡東向鞭石有餘哀劉生謂子羽自禮日罷釣魚  
龍回秋風尊菜賤鄉思重相催

其三

結茆象山陽蒼崖劃石門十年讀書處月色留精魂  
束練湧急雪日夕雷霆喧砉然水力開怪石還復蹲  
逶迤瓏塔秀窈窕寒潭奔百折至雙峽下見龍湫尊

碧玉類截鐵古洞含濬源陰雨雲車響微颺靈旗翻  
自謂畢此生學道終丘樊別來定幾時樵徑生蘭蓀  
不見同心人寂寞誰晤言

其七

素心魏晉人鶴園此兄弟曲徑帶古亭十尺懸薜荔  
野圃喬木繁秋風響無際吹簫與鳴琴遺世有真契  
登高收夕霏沿洄翫水裔坐聆葭莢聲白雲自鼓枻  
榮利易中人蓬門晝常閉以彼沮溺心遂此接輿計  
槐堂舊嘯吟題壁記年歲

初冬紀興

甲子十月初冬氣颺已涼時序有代謝昨夕猶素商  
籬菊正盈把臯蘭下復芳朔風吹大漠草木化為蒼  
嚴陰塞上來蕭然滿漁陽暉暉日就短漫漫夜何長  
一編得靜研朱火發其光志士多悲心遲暮尤慨慷  
勗德惜寸陰貧賤安足傷百物知天時蟋蟀在我牀  
凌寒方自茲努力懷冰霜

富川令劉江屏殉節詩

劉公秉義心成仁夙所安富川當賊衝孤城實彈丸  
散金結勇士鎧甲何桓桓海雲蔽戍樓殺氣吹旌竿  
強寇四面至白日為之寒裹瘡自登陴遙夜直北看

見危思古人夫死良非難城摧劍戟折卷戰弓刀攢  
慷慨罵賊時義烈激肺肝英風化長虹血碧心猶丹  
忠孝感人情援筆涕汎瀾

遣興

瀛水信天緣凝立在漁梁得食詎能多守拙固其常  
造物豈有私賦性隨圓方鳴鴉見之怒讒譖於鳳凰  
鳳凰本至仁移置南山旁

其二

和光豈不佳養拙從吾好自哂嶮崎人亦走長安道  
服官十年餘甘貧謝競踪坐此忤流俗有懷欲誰告

所恃皇天慈白日回餘照儻不鑒孤衷東海可高蹈

其三

通籍亦已久饑寒少善狀拙效重守身居約得無恙  
昨歲使滇南衡文窮意匠竊謂直道行無私報君  
上平生稷禹心自許頗不妄孰意命數屯將遷轉被  
放勢逼惑同僚虛公感卿相哂茲坎珂人垂老自跌  
踣知命賦歸來遐心託藤杖晞髮白雲間嗒焉忘得  
喪

臥象山房詩正集卷二目

七言古詩

皇帝闕里釋奠歌

白鷹歌

獅子來

翰林院中古槐歌

寒食與阮懷志伊瀟雲大可雪崖子仁雷岸宗

五入直史館

咏魚龍圖

答冷崧霞見懷



國家圖書館 NATIONAL CENTRAL LIBRARY, TAIWAN, R.O.C.

愁雨行

仗劍行

醉後放歌

贈劉穎水

送劉子羽入京

吾樓歌贈張石民

七月一日洪秋士與張石民趙壺石訂交怡堂

馮栗齋邀過栩栩池道中遇雨紀事

靈霈侯廟歌

相逢行贈譚右歐

登高丘而望遠海

東武吟

真覺寺五塔行

錢宮聲編修出所藏古玉決命予作歌

古松歎

歲暮放歌

與吳志伊檢討萬季野送周殷靖之扶溝幕

張晴峯工部席上聽楊振玉彈滄海龍吟曲與

張子大前輩龐雪崖檢討作歌

過齋貞吉少尹看花歌

送嚴蓀友宮允歸無錫

送毛大可檢討歸蕭山

題趙秋谷編修并門集後

題喬石林侍讀侍直圖

送徐電發檢討歸吳江

送田子綸巡撫江南

題雪崖所藏明宣宗畫鷓鴣卷

與竹垞子湘貞一憫忠寺尋唐碑懷古紀事

苗民篇

鐵鎖橋歌

登張石民其樓作歌贈之

癸酉上元後二日再入長安留別餞送諸君子

白雲歌答龐雪崖工部

題丁鼎庵秋江獨釣圖

棄官行答勸駕諸君子

飲徐華隱學士齋中紀事

甲戌正月初四日雪塢上人招崇效寺看梅放

歌

青山拜李太白先生墓



臥象山房詩集卷之二

琅邪李澄中漁村著

七言古詩

皇帝闕里釋奠歌

維年甲子十月時 皇帝問俗先親師諸侯朝會泰  
嶽畢 翠華更指泗水湄左亮右社兩觀出層城曲  
阜何逶迤登堂禮器制度古山壘玉豆兼鼎彝麾幡  
首尾雜綵繪應鼗鼓響答笙管吹翩翩翟籥自萬舞倚  
那歌頌無參差我 皇盥獻肅再拜微風不動飄靈  
旗於昭至聖儼陟降馨香明德遙相追杏壇卓立懷

英碑書藏魯壁聞竹絲老檜依稀記手植風霜駸蝕  
苔蘚皮旋紋屈蟠金鐵骨蒼鱗怒茁虬龍枝更遵輦  
路謁古冢石壇彌望形累累千章喬木絕鳥雀楷旁  
刺有齧生著真宗東封駐蹕處至今亭子留遺規  
宸章高揭懸日月十行快睹爾雅辭詩律賦記妙風  
格天葩燦爛雲霞垂鳳蓋親留表異敷 御額題作  
千年基廟中玉節寒旖旎簷前金薤春葳蕤鬼神歲  
歲共呵護屏除禾魅奔妖螭世官博士逮四子元公  
遺愛分諸姬 聖朝名器豈濫與要為吾道存網維  
漢帝太牢誌過魯貞觀釋奠弘唐基豈若吾 皇闡

精一修明經傳文在茲親逢盛典媿揚厲恭誦辟雍  
明堂詩

白鷹歌

白鷹奇質不易得昨年乃始覩其真 聖朝天子自  
神武掃清逆賊歸王臣是時告 陵翠華返風雨灑  
道收纖塵東華候駕日旁午鞞鷹照眼色勝銀眼如  
珊瑚茁欲透距如黃玉琢初勻羽毛片片霏細雪又  
如碎疊蒼龍鱗有時蒐狩行古禮孤飛匹練垂高旻  
草間妖狐不敢發區區何有東郭魏朝隨馬首來上  
苑暮從豹尾趨紫宸左右一顧自矜寵為君萬里開

風雲我聞宋徽宗昔能畫此鷹又聞大元時曾有玉  
海青吾皇田獵在講武威德駕御高聲靈嗚呼小  
鳥光榮何足數君不見麒麟來遊鳳凰舞

御子來

御子來自西洋唇豁爪鉤頸毛黃利未亞洲在何方  
解躡流光超浮雲上林苑圍氣氤氲熊經虎伏非爾  
羣解嘻御耶日啖羊者斯耶蠻官蚩蚩不涅而緇跋  
涉瘴海忽以南忽以北十年貢珍來何遲解朝明堂  
祠后土赤蛟歌朱鷺鼓奇毛御子蹲蹲舞解享異贄  
臣遠人三光所照靡不賓山鳳凰敷麒麟君王樂胥

壽萬春解

翰林院中古槐歌

院中老槐奇且古幹若青銅掃風雨材堪梁棟世所  
資神叢瑣屑非其伍何人手植不記年萋萋密葉寒  
高煙交柯拂空雲霧聚孤根裂地蛟龍纏憶昔北平  
建都日玉堂啟處槐初出金遼元明世屢移露茁霜  
凋莽蕭瑟秋來紛紛還作花槐安太守排高衙餘蔭  
常含帝城色倒影半落西山霞學士登瀛在遇合李  
公髣髴曾十匝李文正詩我行樹下日十匝清風之亭文安并千  
年老樹共留影匠氏斧斤那敢顧幾經歲月如朝暮

正直羞稱大夫松蕭踈漫擬將軍樹北地歲晚多烈  
風漁陽碣石俱眼空大材培植須要地上林玉樹同  
青葱

寒食與阮懷志伊瀟雲大可雪崖子仁雷岸宗

五入直史館

今朝忘却寒食披衣急起晨入直走馬並遵御河  
來不見柔條弄春色東華雀飛日始躍城樓倒射黃  
金闕共事恰得六七人一座高談出胸臆石渠同異  
安足論 聖世褒譏付史職此處舊為東廠地刀鋸  
乘權虎生翼楊左孤忠罹禍竒假手鎮撫天為黑詎

知隔代是非定字裏風霜有誅殛亂臣自昔誰者存  
穢濁掃盡歸文墨嗚呼此事又幾春吾曹聚散還堪  
惜施陳物故已經年倪四公皆舊同直還鄉各南北人生  
變故祇須臾嘆往嗟來意悽惻急須買醉破鬱陶杏  
花零落愁相逼

咏魚龍圖

何人懷此跋浪情下筆快寫滄洲鯨世間萬事難自  
料為鱖為龍須臾成滌苻交戾細如縷小魚瑣屑何  
足數中流忽斷煙波開乾坤冥冥雜風雨此時海裂  
天吳愁滄江倒立崑崙浮中有赤鯉耀光彩金鱗逆

水聲颼颼鬚鬚疑是洪崖風細觀又似蓬萊宮星海  
下注積石遠黃河上溯龍門通鱸鮓昂藏不知量鼓  
鬣槎鬚亦相上可憐魚服苦縛身潑刺泥沙色惆悵  
赤鯉力猛陡一穿雙角突出雷火纏半身未化露魚  
尾半身已入天門烟嗚呼龍變不可測畫工具有神  
明力興雲施雨徧八荒渴躄蹄涔淚沾臆

答冷菘霞見懷

聞君問我長相思入門得君懷我詩天曆長慶君能  
追丈夫自與古人期富貴過眼飄風吹作者本屬丘  
壑姿雄飛雌伏原等夷黔婁子憲真吾師山鳥一聲

酒一卮野花滿眼開參差興豪射虎南山墜下海折  
取珊瑚枝雲車縹緲踏瑤池銀璫玉管冰綃惟醉來  
謁帝前致詞星宿羅胸人不知即使耕巖米紫芝強  
心鐵骨不磷緇二三友朋携相嬉一日不見令心悲  
超然臺畔月半規夢回是我懷君時

愁雨行

山中愁雨雨滿樓客子黯黯生白頭行年四十困失  
路出入負痛懷百憂不獨西河泣卜子更兼鷄結同  
黔婁芝田老鶴饑欲死細蝦飽颺漁梁鷺窮冬十月  
龍蛇蟄雷電忽起山前湫無乃天公為我泣陰雲慘

澹蛟螭愁泥塗既恐妨躍馬繩牀又苦風颼颼雨中  
何計破岑寂庶幾作賦追應劉枯腸輪轉鳴且搜會  
毫渺然誰與儔那知賦成愁轉劇千山萬山雨不休

仗劍行

子與吳子空山對榻每用短歌自叙平生吳  
子謂予牢愁過甚恐令英雄氣盡索然因命  
賦仗劍行乃激昂潑筆而為此詩

男兒萬事在懷抱行年四十恥言老腰間劍珮七寶  
裝辭家東出漁陽道漁陽少年多不平寶劍化作蒼  
龍精出匣霜風動鱗甲黃金作靶曼胡纓酒酣上馬

肝腸熱報讎亂灑桃花血月下提舞向猿公萬里關  
河散冰雪虎皮甲袖錦戰袍劍光直拂秋雲高此物  
真堪獻天子安可棄擲空江臯謁入金門桂秋水封  
豕長蛇不敢起雄心期斷佞人跡俠骨肯遂侯生死  
昔曾斬蛟長橋頭仗策今從赤帝遊古來神物須天  
用笑殺馮驩但蒯緱

醉後放歌

世間怪事無不有吾徒老作山中叟燈前細酌銀鑿  
落暗數平生屢回首長安子侯綰金章白髮英雄困  
奔走造化小兒巧揶揄窮年蠅營逐升斗毛錐三寸

鉗老生慙媿功人與功狗徑寸之莖蔭松柏嘉穀不  
辨即菽藿欲焚筆硯遠從戎自顧形神已衰醜此生  
何物送餘年捉襟尚刺持螯手柴扉寂寞雀堪羅卯  
起酣歌直至酉鹿車荷鍤笑伯倫狗竇狂呼動胡母  
楚舞不須買楚腰雜唱嗚嗚擊瓦並行厨野豕並雉  
兔兼味晚菘且早韭潘岳寧復憂二毛陶潛無心種  
五柳揮絃目送孤鴻飛雪滿寒山映踈牖頌酒還擬  
號酒民但涉世事閉吾口君不見賀監李白杯未乾  
眼中之人骨已朽

贈劉穎水

邊鸞黃荃骨已朽世間花鳥徒自有劉生運腕迴天  
真坐客紛紛盡回首南遊宛洛西長安公卿倒屣羅  
盤餐千金立散平康巷短衣匹馬生秋寒東郭馬子  
吾好友誇我新詩不去口劉也聞之神欲飛潑墨運  
筆如運帚索予題贈為予畫雜花滿紙如錢大蚨蝶  
忽從梅蘂來香雲半墮梨梢挂旁通篆籀若有神李  
斯程邈皆等倫自負絕藝世罕識旅食悠悠常苦辛  
感君失路拔劍舞知希我貴古所取寂寂空憐身後  
名風塵流落誰為主

送劉子羽入京

劉生少讀汲冢書雙頰紅映新芙蓉酒酣拔劍斫地  
舞下海手掣吞舟魚鬚鬚長顛挺浪入貝闕老龍愁  
欵歎是時氣盛過猛虎笑指屈宋凌相如五十年來  
成落魄鶉結羊裘不堪着月明自吊秦帝碑春風徧  
未安期藥失志期為千古人寂寞新詩時改作今歲  
選士入長安欲卸青衫如振箠走馬北望薊門開盧  
溝易水風雲來擊筑和歌應有伴燕市酒徒相徘徊  
碣石之宮安在哉千金駿骨空高臺樂毅郭隗俱陳  
跡惟有斜陽鳥雀哀丈夫晚成當大用劉生安可終  
蒿萊劉生安可終蒿萊

吾樓歌贈張石民

登吾樓兮望古諸之荒丘季孫行父骨已朽爾我吹  
簫今來醉此樓高者馬耳深者龍湫羣峯如烟青不  
收澱水西來萬古流日入月出運世代於湏臾兮吾  
樓之歌無時休

七月一日洪秋士與張石民趙壺石訂交怡堂

馮栗齋邀過栩栩池道中遇雨紀事

天生奇人必有偶黃鳥嚶鳴求其友數子南北各風  
烟聞聲神交亦已久今朝覲面始見之對寫新詩不  
停手興酣更期池上酌亦日濃雲挂爽柳携手步至



城西門當頭急雨俄翻盆  
闌走避濕各隈映湏更門  
內洪濤奔猛風吹門人爭喧  
數人撼之風力息驚溜  
四射城門翻衝泥走馬始出郭  
池魚弄水菱葉繁脫  
衣行酒雨亦住霞染彩虹在高樹  
晨苦曠乾夕雨垂  
萬事反復誰能知相逢相樂且盡醉  
明朝未隴青離

靈霈侯廟歌

聖王創制意深遠神能利物垂祀典  
西山靈霈自何年  
金支明滅雲旗轉廟中冠冕侔侯王  
銀璫玉管聲琅琅  
士女奔走少虛日入者肅拜心倉皇  
階下老樹

幹軋結古腹中空削寒鐵俗傳種自始皇時  
其事荒唐不可說清池滌苻會細烟流來曲曲  
金沙泉朱魚歲久長尺半白龜蒼鼠來周旋  
有時殿角出風雨飛電如拳那堪數木稼一擊  
千里空乾坤失色天為怒誰知天意本至仁懲惡  
行罰役鬼神職司雨露在濟世劫由人造神悲辛  
連歲不收愁比屋今復曠乾聞野哭何時為我霈  
甘霖屈指田家望秋熟

相逢行贈譚右歐

十年今見譚萊蕪昂藏七尺英雄軀  
風塵濩落已如此長安索米胡為乎  
男兒成名在老大况君工瑟仍

工竿胸中磊塊向誰吐直須日傾酒百壺余亦淪落  
嘆不偶局趣老作轅下駒感君數過肩意氣臥病忘  
却身羈孤兩人寸心各千古時而不遇皆狂夫君不  
見朔方健兒好身手長楊走馬羣歌呼腰金拖紫差  
快意我輩跼蹐甘為儒碣石之宮不可考黃金臺畔  
空糶糊從古好士亦名耳樂毅郭隗何處無嗚呼樂  
毅郭隗何處無

登高丘而望遠海

懷此萬古悲陟彼高丘巔蓬萊宮闕竟何在惟見蒼  
蒼遠海生空烟琴高騎鯉昇仙處至今但有桃花然

黃農已沒湯武稱賢神堯雖至聖巢父逃去洪河邊  
鵬鷄大小亦偶耳秦皇漢武誰長年六鼇柱折天地  
坼陰陽二氣來相煎日馭旋飛一杯土使我心摧淚  
下如流泉轉眼高丘變深谷海水枯作黃沙田

東武吟

我家東武城因為東武吟東武飛作怪山去東武之  
名留至今超然有古臺坡公跡滅生蒿萊先人敝廬  
在其下巷口喬木柴門開南睇雙尖見馬耳石罅生  
雲白於水老農測候識陰晴昨夕雲生朝不起琅邪  
輦道盤山阿秦皇碑字今銷磨齋堂斜連沐官渡龜

鼉出沒何其多長灘喧呼惡浪戲韓信壩頭鬼夜哭  
廬山本以盧敖名寂寞巖燈照幽獨九仙摩霄列岫  
攢五蓮捧出青琅玕驚濤倒峽兩湫裂中有千尺蒼  
龍蟠福地新開號臥象野客撰杖時來徃璧月高懸  
瓏塔光玉虹下注元潭響李氏曾城石屋根雨霖葛  
冢漢臣魂天地洪荒虞帝出千年人說諸馮村其餘  
瑣細不足數唐宋傳來名獨古山川靈氣相盪迴盡  
收遠勢歸東武東武吟成聲轉悲風俗曾經魯所治  
十萬人家讀書處蘇子由語淳樸尚有先民遺幾遭劫火  
飽喪亂城郭樓榭飄風吹殘黎鷄結力已盡梁伏遺

教空爾為我今客遊羈京師夢魂不到天之涯感今  
思昔意惆悵曠野茫茫遠相望

真覺寺五塔行

金剛寶座光灼灼日影倒射照寥廓五佛貢自文皇  
時成化年間勅使作全盛詎肯惜物力奔走蒼生事  
冥漠精靈夜夜鬼神朝勢拔山嶽相迴薄祇今屹立  
二百年風霜剝蝕猶如昨累石為基四壁方丹梯玉  
棟懸中央下入黝窈恍探井側身恐有蛟龍藏捫級  
轉徑天地出北平一掃烟雲蒼嶺岿五塔互向背翠  
鳳碧鷲紛來翔鬣珠光吐舍利微颺欲動簷鐸鏘

嗚呼象教何時入中國窮極壯麗無南北割截既令  
色相空樓臺寧取星辰逼豈獨莊嚴準帝居規模更  
遵西域式暴殄天物學布金翻使空王自太息不壞  
之身亦劫灰對此浮屠淚沾臆

錢宮聲編修出所藏古玉決命予作歌

吾徒已老作辭客少年俠氣真堪惜瞥見古決壯心  
生便欲彎弓射怪石歲久亂漬血絲斑紅者珊瑚紫  
琥珀為秦為漢那復知中有不死英雄魄當時控弦  
餓鴟鳴金甲崩騰肉狼籍烽烟歷盡不磷緇一片瑤  
光感今昔四海無事輕弓刀此物亦歸文章伯開緘

相視北風來猶疑青天落鷗翻

古松嘆

慈仁古松天下稀松下日送行人歸一株歲久忽已  
朽寥落春風為誰有蒼鱗錯莫生青苔老幹倒裂蛟  
龍推欲未茯苓驚歲晚天寒日暮浮雲遠嗚呼松下  
何時成市廛悔不植爾高山巔斧斤不到終歲年

歲暮放歌

嗚呼歲月一何迫倏忽吾生過半百那能揮日使再  
西男兒坐惜顛毛白徃時殘臘每在家近來殘臘長  
安陌長安車塵多烈風碣石不斷南飛鴻土鏗無烟

日色死奴子啼饑顏面同羈魂如夢孤館靜一燈照  
影光童童人生富貴亦有數窮年刺促何時終他人  
少壯吾老翁無才致主慚微躬平明朝退蓬萊殿六  
七故人時相見脫衣煮酒羅筆硯簾外雪花隳片片  
角狂但使鬼神驚追歡那識年華變其柰流光冉冉  
新眼前萬事浮雲散廣寧門外柳條青御河春水冰  
將泮風鳶竹馬走兒曹侯門主第桃符換惆悵殘年  
無處歸醉後高歌淚如霰

與吳志伊檢討萬季野送周殷靖之扶溝幕

客子囊空劍吐霜長揖別我遊何方日餐脫粟豈為

薄空齋况有梅花香南鄰沽酒正滿眼賓朋相送各  
盡觴君昔少年二十強皎如寒玉凝清光祇今白首  
困失意短褐踟躕天道旁况君有文老而狂高歌斫  
地慨以慷伸則為龍屈則護古人如此何哀傷驪駒  
夙駕不肯住芒鞋又踏夷門路試問嵩邙漣穀間石  
洪尚有巖棲處所恨音書從此稀人生聚散同朝暮  
携手聊復立斯須悵望中原莽迴互到時空憶信陵  
君衰來定哭侯嬴墓攬盡垂楊不盡情東風細雨隨  
君去

張晴峯工部<sup>席</sup>上聽楊振玉彈滄海龍吟曲與張

子大前輩龐雪崖檢討作歌

秋生庭樹葉颼颼日夕醉態半雜香楊生獨搯太古  
音使我拔劍舞三匝明徽高張手自搔絃急柱促傷  
哀篠一彈窻外碧雲落空堂疊翠寒山高劃然義甲  
動海水咫尺波濤座中起水仙一曲邈何處恍如刺  
船去萬里改絃移撥別有情天龍小龍齋作聲天風  
疏越忽一掃萬籟寂絕秋空清吾家琅邪枕東海屈  
指別來已數載當時龍鬪雷雨腥祇今留得龍鬚在  
又憶少年春夜深燕中驚聽雙龍吟他鄉歲晚聞此  
曲極目蕭條故國心

過齋貞吉少尹看花歌

南鄰有花昨日開東家酒熟初發醅春光欲盡布穀  
催痛飲須滿三百杯醉來長嘯臨高臺縱橫白眼凌  
八孩百年看花能幾回對花莫使心常衰

送嚴蓀友宮允歸無錫

西神山人致身好西神山人抽簪早東風二月太顛  
狂斷鴻吹散長安道自君珥筆承明廬老儒瑣細愁  
絕倒月下吟詩續柏梁醉來湛露歌豐草其柰鄉思  
苦欲歸浮雲謝去還枯槁薄本之車何悠哉萬事無  
如歸去來修竹團圞蔭南圃幽窻尚有昔年梅慧山

錫山寒崔嵬梁溪如帶相縈迴赤文綠字在其內巖  
壑密密行長雷山鬼窈窕窺人立萬籬深宵浮雲哀  
回首不見燕山樹五湖片舸隨烟霧泰伯廟前春水  
深闔閭城外斜陽暮却憶夫椒困越時霸業真同草  
頭露漫將得失問時流且向千秋理辭賦嗟予留滯  
獨金臺春山渺渺懷人處

送毛大可檢討歸蕭山

棄官羨殺鑑湖曲風流遠勝萬鍾祿吾友毛生解綬  
歸恰值湖上春風綠憶昨陳書動九重天語傳來  
意彌篤况君取次得遷官苦欲還山一何速丈夫有

志歸去來桃花楊柳夾道開白眼長嘯傾新醅公卿  
於我何有哉盛代鳳麟稀一見安能與世長徘徊巢  
由伊呂竟誰在古來萬事皆浮埃以茲長往不肯住  
津門東下隨烟霧拜稽猶銜北闕恩夢魂已繞西陵  
渡家鄰禹穴富藏書潑墨龍鸞莽迴互却看悠悠世  
上兒富貴功名等朝暮笑我無能老且迂學書學道  
終狂夫涼涼踽踽祇自好惟君知我生歡娛長安薄  
宦多吾徒巷南巷北為君沽擊筑拊髀歌烏烏戀別  
看君頰下鬚僕夫在門勢欲趨願君緩轡留斯須寶  
劍如霜脫相贈雄虹千尺垂京都

題趙秋谷編修并門集後

趙子才俊秀且雄論詩往往與我同今晨對詠并州  
作孤雲千尺摩蒼穹憶昨出都黍正熟急雨寒林共  
謾謾走馬快渡潯沱河潑墨窮搜雀鼠谷酒卮在手  
懷抱開浮雲落日相徘徊雙屐平踏太行頂一線黃  
河天際來結轡攬之嘯歌發卷中神氣何超忽筆鋒  
寒瘦掃冰霜思路香真極毫髮讀之三嘆移我情年  
少如此人盡驚把君妙句相持贈七十二河秋水聲

題喬石林侍讀侍直圖

桃花未放李花白青春酌酒喬生宅當筵示我侍直

圖整肅衣冠動心魄天際龍樓閃閃黃宮墻斜映闌  
干赤髣髴疑是昭德門依稀半露中和眷乾清於穆  
珠簾垂便殿聽朝情不隔 聖人未出五雲深遙想  
天顏不盈尺公卿入奏排天閭集賢學士心徬徨喬  
生職當左右史趨直侍漏夜未央瑤階徐步容貌莊  
心依丹闕神揚揚深謀盛氣自慷慨肥面巨口何昂  
藏維時黃河煩睿慮翠華已返猶南顧建隄開海兩  
議存衆口紛紛總無據淮南七邑百萬家魚鼈生靈  
莽誰訴 天子回盼問史臣喬生再拜為具陳開海  
要使水勢殺建隄水溢徒悲幸剖決是非獨侃侃



至尊含笑顏色親 詔謂賜茶驚異數金梳玉茗來  
楓宸嗚呼人生獻替有如此史官諫議集一身世間  
富貴安足道作事務作千秋人畫師寫貌難寫神使  
我嘆息空紛綸南園桃李為君發直須爛醉松醪春  
送徐電發檢討歸吳江

徐生離羣心莫哀徐生去國休徘徊一官欲罷且未  
罷何似掉頭歸去來垂老跼蹐尚文史窮年懷抱無  
時開人生得失盡天命萬鍾於我何有哉夙昔獻賦  
蓬萊殿四十九人常相見時陳子遜先卒黑龍潭上角詩狂  
刺梅園內回歌扇樂往哀來此一時數年零落同飛

電死生去住幾驚心南北東西各鄉縣嗟君放逐亦  
何為分手將歸淚如霰近聞買宅梅里旁春風未動  
梅花香小山散髮時徬徨太湖萬頃魚龍翔洞庭山  
擁怒濤張動影倒射君之堂桃花千尺來筆牀相期  
大業名山藏回首五雲繞章建 君恩如天慎勿忘

送田子綸巡撫江南

作官能尋太湖曲薰風細染波紋綠羨君得名二十  
年開府南行正三伏丈夫豹變各一時致主寧為萬  
鍾祿予今四海已太平車書萬國 皇路清側聞  
天子重大吏如傷更念東南氓蘓松財賦甲天下城

狐社鼠猶縱橫田子 特簡鴻臚卿任大責重叨  
恩榮前者持衡閱多士幕中一笑風雲起文字曾高  
笠澤雲澄清近徹吳松水既有風騷動古人况兼經  
術推君子唐虞四岳職贊萊周召二陝分綱紀京國  
論有數公相邀作賦金罇空幾載浮沉不復見雲飛  
雨散如轉蓬惟君致身霄漢中男兒萬事在我躬握  
手相送方六月側身南望天垂虹

題雪崖所藏明宣宗畫鶉卷

龐子畫癖迴無對示我小畫良可愛誇云此幅宣宗  
為柏軒欽賜圖書在以示摩挲三嘆息歲久金戒光

零碎微風颭颭毛羽動烟際橫斜穀數穗敗葉青蒼  
秋色高咏莖寫出無人態燕京戚里重小鳥市南  
北羣相賣開籠鼓翼關一快賭采十千決勝敗深宮  
何處得見此當時價重侷鼎彝邊鸞花鳥何足云雄  
主細事存英邁憶昔三楊召對年君臣促膝同颺拜  
中原父老樂太平西苑龍舟屢歡會番國曾進四麒  
麟萬里烽烟掃邊塞英雄自古具文心潑墨偶然亦  
勝槩遺跡流傳中貴人塵沙棄擲同流輩雜以庸筆  
失其倫俯仰彈指嗟人代神物呵護本由天夜夜蛟  
龍閃光怪勸君珍重莫示人恐化雄虹向烟靄

與竹垞子湘貞一憫忠寺尋唐碑懷古紀事

憫忠樹杪露榦梢閣高去天僅一握

諺曰憫忠寺閣去天一握居

近憫忠已數年此日來遊共剝啄二三良友雅好奇  
探幽訪常追隨太宗征遼寺始創殘甃寧少唐朝碑  
遺碑果在天王殿剝蝕蒼苔隳片片良工搨出墨痕  
新千年掌故人爭羨維時思明反側初范陽郡在戰  
鬪餘祇今至德紀年處磨石如白嗟凶渠寶塔金函  
出舍利玉環記在東南地鸞珠電女不矜文鸞翔薤  
倒靈芝字又聞木塔自竇侯會昌景福皆重修百餘  
年來幾興壞此寺便作唐春秋唐七宋興應有兆君

庸兵弱還同調汴水空存良嶽名玉清剩有道君號

青衣北狩二帝同寺中

旅食惟欽宗吳天

寺名聚會意

慘愴父子慟哭來悲風詔諭孤臣謝枋得不食羈困  
香臺側地下甘從張陸遊丈夫不辱能死國欲為乾  
坤留正氣履穿衣結非顯賴鐵佛原無感慨情山僧  
靜閱興亡事俯仰世代何悠悠唐宋事往恨即休我  
欲北風歌一曲白雲無盡桑乾流

苗民篇

黔山苗民異顏色長養子孫成絕域至今千羽憶虞  
庭格心實借三旬力布裹頭顱毛髮蒼垢埋面目塵

埃黑富者雙鑲垂兩耳漫谷雕題與鑿齒青蠻白蠻  
紫姜蠻宋子蔡子龍家子羅鬼谷蘭狗耳龍短裙紅  
花不一氏道旁苗婦妝飾工銀鑲盈尺何玲瓏跣足  
草履鬪捷狡行滕在股男子同臂上繡錦衣短後裙  
腰細褶鮮花紅繭黃蠟青朱罽包徧身雜綴彩色交  
俗傳九種殆其半拂之瞋目時咆哮天生此物占荒  
徼流民稀少無衡茅紅苗崛強化常梗狎家跳梁勢  
尤猛自古豪傑靖邊疆仁心駕馭兼機警莫教長吏  
肆貪殘遠人含冤思一逞祥何故郡窮且荒山高田  
少多流亡家苗租庸困已甚生苗叛服原不常我行

欲繪苗民苦日日輶軒徧鬼方

鐵鎖橋歌

盤江之水稱奇絕雙峽壁立如截鐵驚濤澎湃戒舟  
航行人眼穿骨欲折曾聞唐末閣羅鳳創為鐵鎖勢  
飛動千年橋在襲遺踪山河南北遙相控我今遊滇  
過此橋江流滾滾風蕭蕭兩崖疊石說仙客斜支短  
柱通雲霄鐵絙似臂貫兩旁小絙細碎懸中央穿石  
而上為屋棟穿木而下成橋梁鐵鉗木板平如掌牝  
牡相銜自寬廣飛閣朱櫺橋始成車馬朝朝共來往  
下臨江水淼無際倒懸滌稅風雨閉逆賊一炬總烟

銷 皇朝重修加壯麗遠觀飛橋落彩虹近視如鎖  
何玲瓏天地補救待人事萬年無弊車書通

登張石民其樓作歌贈之

石民高臥雲水鄉  
西半畝築草堂  
立身作事具本  
末不夷不惠者  
行藏棄舊圖新  
換亭榭以其自  
號何方羊其人  
其盡其樓下其  
山其水其廬旁  
日長村靜如太  
古遠遊手控蒼  
驢韁調停朱陸  
世莫識斟酌釋  
老能精詳鄰僧  
遠札寄拐棗春  
花細藥開山薑  
有時橫笛臥石  
梁數聲吹裂雲  
飛揚彈琴槌鼓  
坐木杪天空鶴  
唳神渺茫杖頭  
高挂有從事山  
鳥一鳴還一觴

趙子徐子共來往  
酒酣腸作糟  
丘香翫世肆志無不  
可身經魏晉心義皇  
憶昔作歌吾樓上  
季孫行父城已荒  
與君追隨六七載  
烟霞之樂焉可忘  
自我客遊羈薄宦  
懷想幾易星與霜  
昨冬東馬返故國  
相憐不覺追范張  
維君尚記少年夢  
翰林李子坐在牀  
題詩中有韁薑韻  
濡臺風雨勢莫當  
我今來訪符夢兆  
登樓究作當時狂  
嗚呼人生萬事俱  
前定掀顛一笑雲  
低昂

癸酉上元後二日再入長安留別餞送諸君子  
元夕已過三日強僕夫在門為治裝我行欲歸且復

去玉山慘澹悲斜陽天令祖道意何厚三爵成禮心  
徬徨傾城良友皆出送滿胃別意各盡觴更有二十  
五老者肴核錯列沙洲旁白顛囁嚅若有商祝我宦  
違休還鄉聞言舉觥謝父老野雉色舉思山梁別君  
上馬蛛戀戀孤城漸遠天蒼涼

白雲歌答龐雪崖工部贈別

天末白雲知我心燕雲遙接齊雲深馬耳雙尖雲氣  
在化作白龍挂滄海白雲洞在馬耳根我歸欲構白雲  
村京華論文誰最久十年爾汝同弟第倦遊屢欲拂  
衣去人生過眼如朝露良朋愛我苦相留酒酣送別  
愁復愁九仙驚瀑注急峽五蓮空翠懸清秋此時對  
君長安陌掀顛一笑浮雲白漫道三黜柳士師敢擬  
五斗陶彭澤好我不厭惟有君韞葉兔首何慙慙飄  
然上馬一揮手十里相思空白雲

題丁勗庵秋江獨釣圖

逸興託扁舟高躅誰能識一竿獨坐釣西風萬里長  
江動秋色朝來捕得紅錦鱗放爾寄字情所親山長  
水遠望不極澤草芙蓉愁殺人

棄官行答勸駕諸君子

男兒進退審在我得官莫惜遷常左英雄從古多飄

零小儒敢恨身坎坷自登仕籍十五年土銜烟稀屢  
不火北山移文世所譏猿愁鶴怨何時歸周南留滯  
亦已久故園幾見霜花飛只今羈旅歲又暮餬口典  
盡裋褐衣既不是卑小官又非關厭彼婦讒言一入  
便出走故人惜我遭困阨相勸留作長安客誇我畫  
省卽艷我二十石人生富貴本浮雲脫屣歸來月華  
九仙山色何壯哉龍湫倒裂藏風雷石室丹書不可  
見中有瑤草金銀臺千尋瀑布夾鏡開羅薦窈窕青  
推顏有時把釣向東海鐵網珊瑚耀光彩秦時童女  
三千人今日曾無一人在犁眉騶薄笨車山中掃跡

隨龍蛇惟有良朋不恐別書字三歲何曾減與君把  
臂行且吟青精黃獨知我心回首京塵隔雲樹一枝  
飄然自東去

與陸義山中允丘李貞洗馬馮勉曾行人袁杜

少編修龐雪崖工部飲涂華隱學士齋中紀

事

斜日冉冉歲云暮客子牢騷欲誰訴學士開筵酒正  
香况蕪語笑良朋聚饋八簋破老饒醉後狂言少  
回互今夕何夕樂意多忘却家園隔烟樹終年跼蹐  
氣不舒人生何苦纏憂懼案上一卮方滿眼已拋破

甌安足顧窮達得失天為之白頭那惜浮名悞憶昔  
與君出 帝京滇黔同作西南行炎天走馬向萬里  
江山兩兩相逢迎金馬碧雞供驅策波瀾力與滇池  
爭歸來遭讒忽一墮三遷惟見君崢嶸意氣耻為權  
貴折蹉跎翻被庸流輕牀頭寶劍時時鳴無可語者  
弟若兄唾壺聲雜擊析聲酒闌燈地心不平男兒失  
職且歸浮雲回首長安城

甲戌正月初四日雪塢上人招崇效寺看梅放

歌

崇效寺遠地幽敞一鞭走馬時相訪今年春日頗晴

和小室梅花共欣賞入門靜氣肅衣襟坐久悠然發  
遐想壁上瑤琴動方心窻前風竹生奇響清香密移  
人不知萬事回頭笑鹵莽憶昔送客過香臺鳳岡曹  
竹垞朱同迨陪是時與師未識面棗林雙塔空崔嵬  
前年看花乃屢到朱曹長往不復回人生聚散有如  
此對景那免心常哀柳湖之村堪徘徊聶家山人安  
在哉砌旁親見笋始栽海棠晏罷丁香開樓下彈棋  
紛笑語樓上笛聲吹落梅梅花開落那肯住歲月飄  
忽等朝暮只今爛熳花正繁遊子思鄉我 又去巾車  
不待海棠花離情已滿天涯路明年此地賞梅時臨



風是我懷君處

青山拜李太白先生墓

先生自是太白精晚歲弄月騎長鯨當年降輦被寵  
遇沉香揮翰雄風生捧硯太真賜顏色脫鞵力士同  
孩嬰丈夫得志自意氣摧折權貴留鴻名一朝嚴譴  
成衰老興慶蓬萊跡如掃所幸汾陽感舊恩贖公減  
死甘枯槁文人落魄自古然萬死長流夜郎道魑魅  
窺人但酒罇風花寄興還詩草詎意金雞放赦回江  
湖浪跡懷抱開青霞煉骨不知老扁舟又向當塗來  
平生最愛謝公句仙人蜕骨遊八垓竟埋謝眺青山

側孤墳三尺同崔嵬歲月如流不肯住事去千年等  
朝暮江上灰飛幾代塵過客悠悠盡行路我來正值  
四月時遺冢荒祠尚如故再拜還看綠蘚碑三杯重  
奠青山墓白屋翰林我與君但恨獨遜君聲聞君謫  
我遷同失意世上豈少高將軍我去還山葺茅屋脫  
屣富貴輕浮雲俯仰異代結知己喬松謾謾明斜曛

臥象山房詩正集卷三目

五言律詩

雨花臺

送王滄海歸高郵

寓山詩

二月初九日紀異四首

答臨淄令楊樹滋歸關中留別

辛亥春題東練峯

徐栩野阻雨留天士庵二首

穆陵關懷古



與周此公劉子羽登超然臺

端陽後二日與趙壺石過放鶴園

與琢庵栩野登蘇長公觀瀾臺

過青石瀾望琅邪不登

晚過金琢庵村居喜驚龍上人至二首

寄周殷靖

冬夜與蓬海白峯子璞荷蕩望月

冬日村居二首

雪後登等慈閣三首

與趙山公徐栩野趙壺石張蓬海兄弟遊臥象

山

與山公遊九仙書院

飲酒臺觀山市

鏡香園懷趙壺石二首

過琢庵龍漪堂

丁巳初度栩野蓬海白峯彥公子璞元長舍姪

潛集緣水亭三首

微雨鏡香園獨坐

寄王山長廣文

與王德涵登白塔

雨中過天寧寺訪任庵吉蒼

玉泉山

彌勒庵贈驚龍上人

中秋示從弟

喜溶姪至二首

夏日飲呂仙祠下

閏中秋崔宗五檢討招飲

送學士張敦復先生 假歸樅陽

送江眉瞻出守柳州二首

與梅庵庭表大可羨門勝力飲石林寓齋二首

次壺石清明獨酌見懷韻

浴佛前一日愚庵招同寶詒兄弟君勉蒼曉遊

黑龍潭

豐臺看芍藥即事

七夕吳志伊檢討見過小飲

殘臘雜感四首

送樊德施遊宣府二首

丁卯二月初九日國子監分祭紀事二首

王太傅招飲怡園二首

送汪鈍予南還

送洪去蕪歸真州

初冬萬柳堂懷相國馮公

十月十二日送姪溶東歸二首

懷杞公二首

送張肅昭大行齋 詔漕使者幕

送彭美門學士祭告闕里二首

送黃庭表宮贊歸太倉

送李霖弟出守元江二首

送汪舟次出守河南二首

哭七友劉子羽廣文三首

送向渾庵之任長沙

送大司寇徐健庵先生歸崑山二首

南陽謁諸葛祠

晚抵襄陽

由小河村沿江岸有作

便水驛口占

清浪山行

飛雲洞

天風洞

馬塲山行

高真觀用彭禹峰先生韻二首  
葛鏡橋

宿辰溪縣

趙王峯少宰招飲金碧園

壬申正月初九日與雪崖過雪塢上人

過雪工人次韻

過通州

癸酉二月初三日再入長安龐雪崖工部以詩

見柬次韻二首

十六日得舍姪秀實書二首

和龐信公見懷原韻

甲戌早春咏懷和雪崖杜少

公凱舍弟邀諸同年餞別齋中

李貞華隱方寅雪崖杜少舍弟公凱送別

別雪石文漪子未二首

別楊蕃錫李會嘉趙紫鈞三子

定林寺銀杏

哭趙壺石三首

登雷峰湖山烟雨亭二首

過隨園上人師乳庵

過江郎山

水口早發

初度

建溪紀事二首

遊武夷山三首

題方寅石帆船

臥象山房詩集卷之三

琅邪李澄中漁村著

五言律詩

雨花臺

選勝長千里登臺送暮春山光高射塔江氣遠侵人  
虛說無生法同歸有漏因散花何日見梅雨已經旬  
送王滄海歸高郵

秦郵秋正好君去慎長途行賈貧非病謀生老更迂  
客愁深雨雪歸興颺江湖儻過淮南郡為詢桂有無

寓山詩其七

厭見羣峯熟登樓更見山蓮花五老上天井一龍還  
世路浮雲外生涯灌莽間會當采蕨去策杖徧躋攀  
二月初九日紀異時地復震

天道將齊物誰能著化書那知常動處不即是安居  
舉世蓬飄輕殘生草昧餘橫流滄海滿吾意在牛車

其二

霹靂中宵發空山盡作聲道窮天地絀數在鬼神爭  
趨避同歸劫高明久忌盈曉者崩裂處隨在海濤生

其三

不歷崩潰苦焉知天地功帝心垂誥誠人命入鴻濛

海嶽終朝變樓臺過眼空安身隨天化理數總難窮

其四

未可酬高厚今知跼蹐情危途方出險死地可謀生  
雷雨愁傾覆陰陽鬱闔爭何能追七聖處處總襄城

答臨淄令楊樹滋歸關中留別

地號愚公谷居官實未宜客情奴子慣歸興老親知淄  
水三齋遠秦雲二華垂薦雄文似者相望答清時

辛亥春題東練峯

不見銀河落安知碧海通雙崖噴急雪一氣舞迴風  
絕壁垂晴練高天飲渴虹龍湫從此啟雷雨渾茫中



徐栩野阻雨留大士庵

入寺聞清梵者雲愛靜吟短牆橫斷壑積雨暗高林  
欲證無生法應知不住心聊將懸榻意信宿任秋霖  
其二

獨寤幽人好雷纏古殿空鐘聲沉宿雨日影截殘缸  
谷靜泉逾細厨香酒暗通斜陽留坐久喬木下天風  
穆陵關懷古

鎖鑰三齋壯山河百戰餘雄圖隨世變霸氣入秋踈  
枝擊風仍古肩摩路漸紆時平無警急烟火戍樓虛  
與周圮公劉子羽登超然臺

連日陰雲積初寒肅布袍山從滄海斷雪擁穆陵高  
殘碣尋遺蹟臨風憶濁醪東巖最幽處往事話盧敖  
端陽後二日與趙壺石過放鶴園

蒲酒留佳節園丁供野蔬初驚紅藥在已報綠樽虛  
石砌松楸得茆亭薜荔餘弟兄能翫世真讀老莊書  
與琢庵栩野登蘓長公觀瀾臺

蘓子今何在吾來續此遊孤臺衰草冷萬井夕陽愁  
海霧迷津樹人烟蔽戍樓翻嫌冬氣暖蕭颯似深秋  
過青石瀾望琅邪不登

積水收天地高臺壯海門孤峯秦帝碣殘壘越王村

觸浪鼉鼉古連烽虎豹屯不同遊客往吾欲問真源

晚過金珠庵村居喜驚龍上人至

到此安能去淹留竟為君秋光明遠水心跡似孤雲  
行世當知命謀生果在勤幾時相對老携手並耕耘

其二

樹密通流水沿村細路回蟲鳴秋月上茶熟老僧來  
衰草寒逾綠踈花晚更開明年修竹起先築釣魚臺

寄周殷靖

憶昨談詩處香臺月迴明高文留畫壁隔歲起秋聲  
苔印霜前影人憐別後情所思不可見白髮夜來生

冬夜與蓬海白峯子璞荷蕩望月

自踏蓬門影人寒村寂然三冬明月夜一渚白雲天  
野曠清輝小霜高素魄圓江湖搖落後重在藕花前

冬日村居

炙臂親冬日寒梅著小花風烟連北渚生事近南華  
掃雪松三徑懷人水一涯躬耕慚沮溺投老向田家

其二

寂寞安吾拙良朋近比村北風吹土室大雪滿柴門  
歲晚衣裳薄天寒雁鷺喧夕陽烟火起隔舍過雞豚

雪後登等慈閣

萬里雲猶合，高樓雪乍懸。冰壺開淨土，瑤海湧諸天。  
極浦蒼烟外，層山暮景前。悠然念身世，吾醉欲逃禪。

其二

夜雪深三尺，寒光秘寂寥。佛空香氣定，世短磬聲遙。  
斜日銜珠閣，歸雲捲絳霄。禪機無我相，何處著高標。

其三

古佛嫌多事，人天仰聖慈。到來銀漢上，忽覺雪山隨。  
初地歸何晚，香臺老自悲。幾時同惠遠，聽法靜心期。  
與趙山公徐柯野趙壺石張蓬海兄弟遊臥象

山

野客陪遊屐，空山聚酒徒。龕燈雲塔古，仙夢石林孤。  
密樹春相引，清罇夜自呼。牛涔橋上月，的的似江湖。

其二

東練峯頭水，驚雷過峽生。林迴青嶂合，人遠白雲平。  
殘雪春仍在，虛潭暮轉清。知君有仙骨，携手仄崖行。

與山公遊九仙書院

孫子何年去，空餘此講堂。雲深丹竈冷，竹覆石壇荒。  
抱峽千峯直，通林一水香。夜來笙鶴近，仙路入微茫。

飲酒臺觀山市

俄見孤峯起，天垂積氣青。山河留化影，雲霧是真形。

欲試莊生夢難從  
博士醒翻疑人世  
幻五嶽亦浮萍  
鏡香園懷趙壺石

亦覺村非遠  
懷人日每斜  
孤亭惟柳色  
十里即天涯  
農隙藁重結  
罇空酒更賒  
近年鄰叟意  
相得在幽遐

其二

荷葉盈塘碧  
垂楊夾岸青  
所思隔烟水  
虛負此林坵  
松下逢雲立  
蛙邊待月聽  
知君非醉客  
借酒慰飄零

過琢庵龍漪堂

暗水通樵徑  
疎林帶遠坵  
野溪週舍綠  
高樹閉門青  
探古詩盈篋  
招賓酒滿甌  
寂寞楊子意  
甘守太玄經

丁巳初度  
栩野蓬海白峯  
彦公子璞元長  
舍姪

潛集緣水亭

萬物隨秋氣  
吾生想太初  
精靈山海聚  
爪髮雪霜餘  
避世陶公徑  
安身老氏書  
自知無隱德  
有客似應徐

其二

野性安能貴  
吾衰亦遠村  
老為詩社長  
衣剩酒家禪  
山雨青藜重  
溪田白鳥翻  
却憐風柳急  
坐掩舊蓬門

其三

姪大驚吾老  
多材愛仲容  
流年看逝水  
衰病託長松  
村僻時聞杵  
窓虛遠納峯  
荒溪新種竹  
已有七賢從

微雨鏡香園獨坐

清曉雲垂野高原麥過墻栽松今始活細雨正聞香  
烟色陰逾靜雞聲濕不妨晚來幽興愜支石坐漁梁

寄王山長廣文

一第仍淪落詩名四十年已承宣室詔懶著帝京篇  
家遠衰王粲官卑老鄭虔深卮話離索握手重悽然

與王德溼登白塔

大漠黃沙斷羣山莽蕩中春陰紆烏道水脊劃蛟宮  
草長盧龍塞天高碣石鴻九門看指掌今識帝圖雄  
雨中過天寧寺訪任庵吉簷

還向招提去逢人即當歸寒烟屯苑樹細雨冷春衣  
世亂功名薄家貧出處非空堂坐來久啼鳥亦忘機

玉泉山

高岫通林綠平泉暈藻紅沙明金錯落瀑瀉玉玲瓏  
天女留珠珮石鯨吼夜風年年朝太液常繞未央宮  
彌勒庵贈驚龍上人

羈旅還蕭寺前身儻是僧來分香積飯小悟辟支乘  
棋局依秋景鄉心共夜燈安禪無不可及此禮南能  
中秋示從弟

寂寞中秋節天涯從弟來故鄉今夜遠見月客心哀

樹暗齊州路雲迷郭隗臺不堪歸思切鄰笛更相催  
喜浴姪至

隻影吾還在原鴿祇自傷那期迎臘至久別恨年長  
衰老仍多病團圓即故鄉相看悲轉切能不各沾裳  
其二

歲暮天涯遠安能望爾來少年輕雨雪長路仗樽壘  
骨肉人誰健親朋字幾回加餐真努力聊慰客途哀  
夏日與寶詒夢臣方思蒼珮覺先德公伯含飲

呂仙祠下 其二

薊北雲飛猛隨風大漠來雨聲盤樹過電影劃簾開

返照催移席垂虹對舉杯新涼蘓肺氣沉醉踏泥回

閨中秋崔宗五檢討招飲

令節杯重把他鄉月再圓砧聲燕市客秋色薊門烟  
勝友還今夕無家又隔年近來書信絕腸斷塞鴻前

送學士張敦復先生 假歸從陽

休沐成歸計離心問落花幾年依日月此去且烟霞  
樹裏江帆隱雲邊驛路斜懸知懷友夢時復到京華

送江眉瞻出守柳州

地入西南遠星連翼軫低孤城五嶺外萬里大荒西  
此去看銅柱還如祀碧雞天涯明月夜休聽鷓鴣啼

其二

天末孤舟去宗元此舊邦千山連象郡一水劃龍江  
瘴雨詩情遠蠻歌客思降文翁曾化蜀治行本無雙  
與悔庵庭表大可羨門勝力飲石林寓齋

委巷秋聲滿高齋暮影逢華燈憐靜夜細雨送深卮  
檻曲花能好門偏柳故垂晨星動經歲及此共追隨

其二

聚散思他日踈狂笑此身秋花欺老鬢薄宦羨歸人  
時悔庵隔院風聲集當杯露氣新晚涼餘醉興騎馬  
將歸信緇塵

次壺石清明獨酌見懷元韻

是歲甲子

腐儒憐魯國拙宦滯燕京煉藥他年事懷人此日情  
昇平看甲子老病怯清明忽憶松楸遠淒其旅思生  
浴佛前一日愚菴招同寶詒兄弟君勉蒼晚遊

黑龍潭 其二

傾仄塍為岸高低草覆汀開門孤塔白欹枕亂峯青  
樹密鳥聲集潭空龍氣腥醉歸防墜馬途險憶曾經  
豐臺者芍藥卽事

藝圃存生計綠畦有醉吟鶯聞啼樹久蜂懶坐花深  
客興青藜杖鄉思紫竹林歸途重回首難別碧山岑

七夕吳志伊檢討見過小飲

七夕終朝雨涼風起竹扉斜陽隨客至濁酒過牆稀  
命拙身還健鄉遙夢不歸相留憐夜永清露正微微  
殘臘雜感

去住無良策淒其歲暮時官貧逢未貴家遠得書遲  
病馬風霜苦孤鴻雨雪悲不才慚薄祿未敢負 恩  
私

其二

七載逢今雪連朝更天風卧病寒自苦作賦老難工  
澹泊能藏拙堅貞得固窮不眠趨直早匹馬禁城東

其五

自笑謀生拙勞勞歲又除妻兒離別久疾病死生餘  
送老長鏡柄藏身薄笨車腐儒無遠志懷土重愁予

其六

太平街鼓競茲歲祇經旬薦熟松楸遠思鄉草木親  
青山偕隱地白首倦遊人自昔羊裘在從緇京洛塵  
送樊德施上舍遊宣府

儒冠不得意去住總因人白月思鄉夢青山絕塞塵  
孤燈傷客久萬里為家貧盛世無南北王孫草自春  
其二



地形聞上谷客路接千峯昨歲人曾到殘春雪幾重  
風雲連天漠關塞隔居庸遙夜相思夢還驚野寺鐘  
丁卯二月初九日國子監分祭紀事

穰穰春風裏趨蹌燭影前尊師逢盛典入廟仰高天  
禮服班聯肅齋心對越虔即今兩楹奠髣髴夢中年

其二

星漢晨猶燦香烟曉更濃冠裳周禮樂師濟帝夔龍  
石駸階前鼓雲叱殿角松微臣榮有事登降愧從容  
王太傅招飲怡園

雲峽迴朱檻霜風掃綠蘿雙扉通霧露一榻擁山河

仄徑鉤衣轉危峯載酒過高堂瞻御墨天護五雲  
多

其二

一水通羣壑高樓敵遠峯過橋餘窈窕步石得從容  
雪壓穿階竹雲連護峽松藤梢兼橘刺偏好是初冬  
送汪鈍予南還

君歸不得意秋氣正悲哉故國烽烟後他鄉鴻雁來  
蹉跎逢世拙飄泊使心哀天末還相憶能忘郭隗臺  
送洪去蕪歸真州

憶昨分携處于今十六年人生多聚散世路各風烟

歸興花前酒離心江上船無聊期後會老淚重潸然  
初冬萬柳堂懷相國馮公同朱竹垞馮方寅兩  
檢討錢越江編修舍弟公凱諭德

敗葉藏深塹殘蘆覆淺汀句曾橋外得酒憶樹邊醒

驟雨傳新曲元慶文正招客萬柳堂流觴此舊亭每

已公修六年希復到心折望淄青

十月十二日送姪溶東歸

早孤多感慨喪弟重傷心拙宦驚吾老他鄉念汝深  
窮冬宵看雁獨客夜聞砧瘦骨衣裳薄長途冷自禁

其二

汝留嗟改歲汝去倍傷神得失從他日孤危念此身  
一燈懷舊夢匹馬獨歸人不忍看明發中宵覲紫

宸

懷此公

之子不相見江東雲又生三秋鴻雁影四載別離情  
傲骨貧猶在窮途老漸平寄書何日達魂夢向章城

其二

昨夜夢君至朝來得素書老親應健在稚子近何如  
歲月孤筇外風霜旅鬢餘京華相待處未敢賦歸與

送張肅昭大行齋 詔漕使者幕

舊誦皇華什今乘使者車千帆聯楚越一水接淮徐  
歸日鴻將返觀風歲聿除還應志溝洫及此問河渠

送彭羨門學士祭告闕里 分得青微韻

祀典尊先聖詞臣出 禁庭入鄒先問禮遼魯共傳  
經雪界洙流白天銜岱嶽青神堯與少昊同此薦芳  
馨

其二

氣色東行壯金綃閃天旂薦牲百靈聚宣 詔五雲  
飛攬轡來齊魯觀風問海沂永懷念山甫贈句祝遙  
歸

送黃庭表宮贊歸太倉

明朝黃叔度歸臥向江天南國新情話 東宮舊講  
筵舟車鄉夢近雨雪客心懸杯酒論文處悽然憶往  
年

送李霖弟出守元江

作郡人爭羨驚心萬里餘預籌三歲別難寄數行書  
地暖衣裳薄冬深雪霰踈不知滇水處渺渺更愁予

其二

兄弟京華少連年去四方別離心更苦衰老意堪傷  
知命蠻荒地安身瘴癘鄉天涯眠食好吾道慎隄防

送汪舟次出守河南

乍聚還成別，將離怨酒罇。十年曾授簡，五馬又中原。  
強項前朝吏，臨軒 聖主恩。公餘多暇日，一問華林園。

其二

舊奉琉球使，曾為萬里行。不麾仍出守，此去且專城。  
緹嶺雲霞色，黃河雨雪聲。嵩陽碑版在，相寄慰離情。

哭亡友劉子羽廣文

此日驚聞訃，春前卓罷歸。音書連月斷，衰老十年違。  
故里同心少，論文舊侶希。獨餘詩卷在，相對一沾衣。

其二

憶昔相逢處，交情四十年。論心餘幾事，此別隔重泉。  
作賦窮枚叟，微官老鄭虔。高臺携手路，回首總堪憐。

其三

蹉跎過半百，賴爾度朝昏。憤世終何事，憐才誰與論。  
竹風雙港路，杉月數家村。夙昔朱暉約，吾當不負言。

送向渾菴之任長沙

良晤豈前定，分携更未期。連朝同酒琖，一別即天涯。  
春草黃陵廟，雄文嶽麓碑。京華舊遊處，識路夢相思。

送大司寇徐健菴先生歸崑山

高名推哲匠好士世原希去國仍勤職瞻雲竟拂衣  
雪憐山韭嫩霜羨渚蓴肥自昔多賢達曾誰畫錦歸  
其二

歸去田園好長安倍寂寥誰能憐拙宦我欲永今朝  
林屋融春雪婁江響夜潮幾時重問字一過伯通橋

南陽謁諸葛祠

層岡迴遠勢傳是武侯居世外聞山鳥人間有草廬  
艱難出師後辛苦渡瀘餘輕起酬三顧英雄氣未除

晚抵襄陽

檣上一鳥啼燈明兩岸齊星垂古峴口月照大江西

地險分南北時平罷鼓鼙兒童清夜裏還唱白銅鞮

由小河村沿江岸有作

地僻全依水灘長曲抱岑雨聲催棹急雲影入江深  
荒徑蘼蕪草孤村棟樹林峴山知不遠回日定登臨

便水驛口占

古驛依沅岸人憐便水名柴門移嶺勢夜雨送江聲  
虛壁蛩方語高窻雲自生長安共秋夕瞻闕獨含

情是日祭太廟

清浪山行

不盡青蓮色相隨萬里生有時嫌鳥語竟日聽江聲

楚草腥難近黔山禿未平莫須驚險絕豺虎正縱橫  
飛雲洞

碧蘚披雲入丹梯倚杖勞喬松無甲子懸石湧波濤  
二水分溪瀉孤峯出峽高登臨聊暫息幽興笑吾曹  
大風洞

一水通高下千巖互杳冥雲窠蟠鐵黑石磴劖山青  
虛竇風聲聚幽潭龍氣腥幾時心跡併高枕嗽清泠  
馬塲山行

到眼青無盡千峯名怒生塔輪羣翠積石廩壘雲成  
亭午征途苦秋風過客情不堪阻絕處更聽鷓鴣聲

福泉山高真觀用彭禹峯先生韻

城頭山色古雪後躡丹梯碧蘚封荒徑蒼雲護舊題  
久從黔郡去虛問海洋西禮斗孤亭在平臨萬岫低

其二

觀有張三手  
手植桂及浴仙池

絕徼留仙跡雲標古觀尊年深遺桂活石剝浴池存  
白雪連天遠蒼山宿霧屯還應九霄上騎鶴度朝昏  
葛鏡橋

曲岸蟠深峽晴烟晝香冥橫流沉地黑削壁入天青  
荒徼龍蛇鬪幽巖虎豹扃千秋傳葛鏡鑿石憶精靈  
宿辰溪縣

昔逐秋風去今從雪夜來陽崖驚草發幽樹見花開  
山密寒鐘斷江平遠夢回故人相送處款款盡餘杯

趙王峯少宰招飲金碧園

拾級分高下孤臺似遠岑窻開花滿檻籬轉徑通林  
曲岸流繁響虛亭納夕陰更憐幽絕處綠樹有鳴禽  
壬申正月初九日龐雪崖中坦同過雪塢上人

紆道尋僧晚寒花已盡開樓深燈影暗松遠磬聲回  
憶舊人誰在重遊老自哀憶丁卯送別曹子仁過寺中今已六年矣故園  
歸興切為爾定還來

與龐雪崖中坦韓鶴汀縣尹過雪塢上人蘭若

次鶴汀韻

前遊纔幾日花落惜芳菲客舍逢僧話鄉心羨雁飛  
高樓聞磬遠細草得春微曾聽支公法知予久息機

過通州

雉堞參差見水溪宛轉流北風吹碣石細雨過通州  
軍國誰持計東南北上遊歸途蕭颯甚一醉得無愁  
癸酉二月初三日再入長安龐雪崖工部以詩

見東次韻二首

重逢憐改歲相慰各平安命拙休官好身衰行路難  
題詩尋舊約小飲助清歡別後傷心事挑燈話夜闌

其二

已歸寧再出相訂有前期去惜親朋隔來嗟老病隨  
談詩惟子共養拙畏人知四月垂楊滿依依是別時  
十六日得秀實舍姪書

屈指離家日于今十六年世情餘冷暖仕路且迤邐  
故里人誰在他鄉病自憐春風簫鼓急回首一潸然

其二

久陰今始雪况值耗磨辰山外冰霜路天涯老病身  
餘生甘作客不死又逢春自笑懷歸苦休官依舊貧  
和龐信公見懷原韻

憐我滇南記曾為萬里行三春鄉夢遠一夜客愁生  
多病仍求友辭官豈為名黃金臺上望寥落古人情

甲戌早春咏懷和雪崖杜少韻

條風吹薊北春色過遼西故國無人到殊方聽鳥啼  
愁深詩更作身老杖能携尚憶湖邊柳冰融水滿隄  
公凱舍弟邀諸同年餞別齋中

明日真成別金錢罄一歡亭臺來往熟兄弟別離難  
柳色三春暮鶯歌四月闌他時悽絕處回首望長安  
季貞華隱方寅雪崖杜少舍弟公凱送別

同輩幾人在華顛去國門一罇慚祖道十載共君



恩欲折長隄柳偏銷久客魂相思非一事新句好誰  
論

別雪石文漪子未

羈客思歸切良朋怯別難杯深同繾綣話舊各辛酸  
握手心先折銷魂淚自彈還愁風雨夜無路夢長安

其二

送客那辭遠同心會亦希青雲高士興白首野夫歸  
學圃瓜田熟還山蕨菜肥天邊有書札時枉釣魚磯  
別楊蕃錫李會嘉趙紫鈞三子

萬里稱知己他鄉別此時棄官成獨往諸子重相思

遠道書誰致前期老自悲夢中還識路或可到京師

定林寺銀杏

嘉樹何年植空王此舊臺秋聲連苕子山翠滿浮來  
枝偃蛟龍蟄風鳴雷雨開魯公盟會處事往有餘哀

哭趙壺石

共道秋將健安知氣漸衰傷心遺老友多難痛孤兒  
純孝生前定遊仙死後疑山川從寂寞風雨倍淒其

其二

如子安能死人生數不齊無見憐病叟良藥起山妻  
茅屋詩仍在泉臺路詎迷親朋苦奔走垂絕事刀圭

其三

惟爾能憐我今誰知我哀屢空高士命絕慧謫仙才  
踈懶餘詩卷顛狂恨酒杯西村還往路魂氣可歸來

登雷峯湖山烟雨亭

亭下千山伏長江雲外田今朝好風日勝地且樓臺  
金柱孤峯直天門兩岸開湖光與翠色相對一銜杯

其二

俯郭宜登眺湖烟遠近中山憐謝公秀天接楚江雄  
野寺梯懸磴踈松韻細風孤亭飛鳥外絕頂與雲通

過隨園上人師乳庵

庵為憨山住錫處

師乳庵中地憨公此舊遊老梅還傍砌新竹半遮樓  
畫壁風雲古空庭草木秋東林吾欲老信宿可淹留

過江郎山

此山真斗絕倒削玉芙蓉自古無人到惟應白雪封  
天風吹片掌鬼斧劈三峯欲覓芝苓去何由杖短筇

水口早發

山外草萋萋秋風下建溪炎荒無雁到清夜有猿啼  
多病違鄉土思兒感栗梨隔舟聞語細不寐待晨雞

初度

初度從吾老殘生惜此遊江湖三月路風雨七閩秋

蛩語他鄉夢砧聲故國愁飛鴻曾不到何處望齊州

建溪紀事

一水圍奇石青山夾岸隨凌風雙槳過觸浪小舟遲  
進退還相用欹斜若有期旋渦深數尺到眼可忘疲

其二

上水經旬日驚雷濺沫生物情險始細世路遠難平  
剩有魚龍氣全無鷗鷺聲去來明月下弄影一含情

遊武夷山

秋色丹崖峻乘風入武夷誰能凌絕巘吾欲采靈芝  
策杖山形變迴舟峽勢隨探幽忘日夕香滿桂花枝

其二

丹梯通絕頂名冠大王尊一水流今古諸峯是子孫  
蒼屏紅雨亂玉女白雲屯何日重來此真探九曲源

其三

垂老思禽向扁舟萬里遙空山留蛻骨斷峽有虹橋  
谷靜風蕭瑟溪鳴晝寂寥貪看移小艇回首失高標

題方寅石帆艇

愛此石帆艇攤書及晚秋江湖容陸舫天地本虛舟  
一壑藏諸境高軒俯衆流吾鄉千里近雖老可重遊



臥象山房詩正集卷四目

五言排律

辛亥五月與李遜卿集鐵園小飲時久旱忽風

雷微雨輒止

送蔣莘田叅議之粵東

送王企庵將軍之任萬州

秋日西海子即日

答張石民見懷

送翁武原之任桂林

一峯草堂送李貞省覲歸山陽分得飛字

題張子大前輩樸園

贈太宰李鄴園先生

戊辰正月 大行太皇太后輓詩

贈范蘇公制府

臥象山房詩集卷之四

琅邪李澄中漁村著

五言排律

辛亥五月與李遜卿集鐵園小飲時久旱忽風

雷微雨輒止

謀食愁無賴探幽興偶同尋盟東郭近紆轡綠陰通  
隔圃看喬木應門識舊童竹籬編徑曲荷沼暗香籠  
結構多文事知交半老翁生涯藤杖外世態酒杯中  
拊戰任偏捷談鋒醉轉雄俄驚雲靄靄共祝雨濛濛  
雷電深盤樹蛟龍乍逆風委身酬造化失計學愚蒙

虛閣茶聲細高林鳥語空何時潤枯槁痛飲答年豐  
送蔣莘田叅議之粵東

駟馬今仍在羊城去路催山橫五嶺斷江向百蠻開  
春雨枕榔樹鄉心椰子杯地留坡老宅人是陸生才  
宇宙珠崖遠梯航象郡來天涯亭上月依舊照西臺

送王企庵將軍之任萬州

銅柱孤標遠瓊崖萬里賒一官羈嶺表慈母隔天涯  
絕域風烟變炎荒日月斜荔支深映雨孔雀對銜花  
別路隨芳草離心寄落霞重風江水上羨爾暮鳴笳  
秋日西海子紀事

壯麗開宸極空明繞禁城蘆深綠岸出荷遠貼  
波平圓殿參差見妝樓宛轉生雲邊行柳影烟際曉  
鷗聲龍舸浮瑤海天風掃石鯨年年玉泉水清切近  
蓬瀛

答張石民見懷

夙昔論文友相違已六年春風燕市裏鄉夢海雲邊  
舊事猶堪憶懷人倍惻然帝城烟漠漠官路草芊芊  
把酒彈琴夜聽詩細雨天題墻吟句穩覓巷得門偏  
信宿龍湫上徘徊馬耳巔蘇臺宵看雪仙島夜回船  
石屋披雲入槐亭對榻眠忘形真爾汝分袂即風烟

尺素憑誰寄衰顏祇自憐敵愁千日酒失笑一囊錢  
饑死羞方朔窮經老服虔漁陽斜景外碣石挂帆前  
近塞驚鴻返無家恨月圓幾時共携手采藥向春田

送翁武原之任桂林

赤壁舟中月隨君到桂林武原舊黃州人江連湘水遠湖過

洞庭深惡木蚺蛇伏空山石燕沉人從五嶺去詩向

百蠻吟草色天涯路梅花別後心孤城無瘴癘椰酒

獨堪斟

一峰草堂與大可志伊竹垞勝力勉曾雪崖紫

來雷岸舍弟公凱送李貞省覲歸山陽分得

飛字

貫酒乘時暇擷芳惜願違離羣金馬彥歸興老萊衣  
藤葉藏深徑葵花笑落暉孤峰當戶正亂水得魚微  
同病傷心久衰年見面希秋風叢桂發應有斷鴻飛

題張子大前輩樸園

舊德傳司馬喬林憶典型危橋仍跨溘叢薄故臨坳  
月入澄湖白天銜遠岸青芷香雲漠漠鷗沒水泠泠  
槎艇烟初破鳴榔酒乍醒綸竿楊柳渚風露藕花亭  
勝蹟餘三徑傳家自一經鄉情思夏屋少日感秋螢  
有待乘槎去江湖是客星



贈冢宰李鄴園先生

天地留真氣 朝廷仗老臣  
鬚眉倅鼎鼐 劍履上星辰  
秩比三公重 書稱四海均  
羣材看進退 百物仰陶甄  
毛价持衡久 山濤啟事新  
才堪作霖雨 功許畫麒麟  
尚憶仙霞嶺 遙通閩海津  
江山經鼠竊 寇盜集魚鱗  
棄甲羞官吏 無家泣路人  
整弧親督戰 謀畫果如神  
兩浙居初定 三軍氣始伸  
天空雲浩淼 地濶岱嶙峋  
知罪從他日 安危係此身  
元勳有黃髮 生甫在茲晨


戊辰正月 天行太皇太后輓詩

母德三朝久 天王實孝孫  
慈謨開大統 懿訓定中原  
詎意音容隔 虛瞻鳳輦尊  
九重紛雨泣 萬姓各啼痕  
涵育思慈覆 生成仰舊恩  
春寒長信草 淚漬永康門  
御仗陳如昔 宮雲裊自昏  
禮臣稽古典 特廟祀姜嫄

贈范蘇公制府

吳會春來興 滇雲別後情  
重臣分鎖鑰 要地借經營  
白下新朝命 烏巒舊頌聲  
烟消三泖濶 風定九江平  
寬猛因時勢 張弛得重輕  
幾年思遠道 今日聽啼鶯  
天上皇恩沃 山中白髮生  
明晨各分袂 回首石

頭城



臥象山房詩正集卷五目

七言律詩

與劉子羽王伯祥內弟登琅邪山

登岱

送范性華之京師


山中聞子羽將過訪却寄

山樓南望懷龍標之黔中

登樓

答張杞園以渠丘詩屬選

青州寓舍與安靜子張石民留別分韻



癸丑暮春與劉子羽入牛泚懷張石民兄弟趙壺石諸山友二首

孟夏與石民栩野尋積霖谷最幽處

登扶雲峽望霜潭二首

與子云臥鏃雷峰聽霜潭瀑布

送馬習仲歸南山

月夜與石民壺石渡齋堂島二首

九日與張石民兄弟陳子璞趙壺石僧天緒遊

崑山覽楓橋之勝二首

和壺石秋日感懷元韻

穀日過服鄰觀馬燈三首

擬壽霜潭龍

雨後與張石民王羽翁登超然臺

寄周殷靖

中秋夜集隋昆鐵半舫齋分韻二首

丁巳初二日立春

丘壩庵王任庵北門劉世卿舍姪秀實集小齋

賦得吾亦愛吾廬其二

贈琵琶生二首

紀伯紫自秣陵寄詩賦此奉懷

得周櫟園先生集感賦二首

戊午立春日紀興

渡渾河

燕山夜雨

重九前二日過天寧寺訪王任庵

送天生弟終養歸秦二首

寄懷丁洛湄都諫

秋晚西海子眺望

辛酉人日飲孔心一齋中

上巳慈仁寺海棠下餞別孔心一觀察粵東二

首

與耿又樸前輩袁杜少編修龐雪崖檢討集韻

伊在前輩齋中送春得歸字

贈李鄴園制府

送施愚山先生校士河南

七月二十一日 上御瀛臺大燕羣臣兼 賜

彩幣有差二首

送于子先學憲之粵東

送少詹事崔夏章先生 祭告長白

萬柳堂餞別相國馮公次韻

送姪溶東歸

送李斗南將軍之粵東

寄楊六謙兼懷錢伯衡

客興

病臥有感

乙丑人日與張行偕舍人吳在公張恣公戶部

傅默庵大行飲張夢臣兵部宅

送方田白歸金陵

與孫孟滋光祿張杞園孔目小飲草橋作

冬日盧溝橋大閱

送張杞園孔目東歸

丙寅正月初四日與趙壺石兄弟登阜城門樓

二首

題劬垣於陵別業

周殷靖過寓深談有感賦此贈之

送張行偕戶部權稅南海

送郝稷人按察川東

秋日雜興和栩野韻

報國寺雪中與庭表勉曾雪崖舍弟公凱送子

仁南歸二首

登真定陽和樓

渡黃河

荊州

清化驛山行

初入滇南二首

關索嶺

準提閣望秀嵩湖

于鼎臣方伯許元功臬司王劼軒吳在公兩觀

察招飲五華山

登太華寺大悲閣望滇池作

歸自龍泉觀道中紀興

貴陽喜晤田撫軍綸霞

與登封令王子明登嵩山絕頂作

送伯舍出守都勻

重陽後一日王阮亭少司馬招飲與徐華隱諭

德同賦

歸興三首

宿天津

抵東武有感

癸酉小寒食雪崖邀同方寅杜少鳳舉雪塢上

人棗林看花

一覺上人邀壽庵看藤花同雪崖杜少鳳舉  
得家書寄故鄉親友二首

王黽承郡丞招飲雲龍山同王君宜廣文舍姪

仙李孝廉

乙亥入日西村病起送馬維斯入城

將與石民南遊留別服鄰益遷子璞諸子

與石民再登黃樓有感

趙紫鈞孝廉招飲清涼山

遊天門山

過谷上人歇庵

西山道中

桐江舟中懷龐雪崖郎中

過廣信

姑蘇舟中遇朱竹垞檢討

與此公同至江村訪遷甫二首

將歸留別此公秋士遷甫仍次前韻



臥象山房詩集卷之五

琅邪李澄中漁村著

七言律詩

與劉子羽王伯祥內弟登琅邪山

輦道高凭水外天，層樓縹緲幻桑田。  
海如勾踐乘潮日，山記秦皇驅石年。  
島嶼欲隨驚浪徙，雷霆忽傍亂峰懸。  
何時絕域烽烟靖，王會常來屬國船。

時海防戒嚴

登岱

盤迴輦道踏鴻濛，萬象微茫一氣中。  
世界平分黃峴嶺，陰陽半割碧霞宮。  
書傳封禪軒皇紀，地表青徐夏

后功翹首天門猶夜色日華遙射海雲東

送范性華之京師

春水滄沱萬里來王孫芳草滿燕臺張華宅廢辭人少  
督亢陂存壯士哀心本志機翻作客道能齋物始  
論才京塵撲面休留滯濁酒榴花待爾回

山中聞子羽將過訪却寄

久謝當年第五名青衫破帽古狂生買山未許高人  
隱彈鋏難消俠客情饒有雄心看射虎那無幽興聽  
啼鶯羈懷向夕愁風雨巖壑瀟瀟暗短檠

山樓南望懷龍標之黔中

山樓烟樹晚蒼蒼人去天涯隔天荒鄉夢宵分瞻北  
斗客途歲暮指南昌五溪舊有龍標迹一劍全輕陸  
賈裝寄爾新詩將尺素近聞飛雁過衡陽

登樓

一榻蕭條悲滯淫登樓散髮短長吟多愁悔作遊仙  
夢久客誰知避地心隔岸啼烏催落日遠山殘雪動  
疎林春來何限懷人意欲折梅花凍不禁

答張杞園以渠丘詩屬選

龍腹龍頭非所期客嘲予有龍頭龍餘牛新換五羊  
皮張衡作賦才無敵匡鼎談詩力漸衰遺藁誰知傳

後世定文常恨不同時春來汶上多風雨雲滿南山  
憶別離

青州寓舍與安靜子張石民留別分韻

秋滿荒城烏亂啼燈前別思共淒淒人來巨昧霜將  
下路隔雲門夢未迷磊塊難消宜縱酒英雄易老怯  
聞雞明朝揮手從離索大峴山頭自杖藜時余將  
過棣陵  
癸丑暮春與劉子羽入牛渚懷張石民兄弟趙

壺石諸山友

雲光猶似去年冬曾過東林看種松不見彈琴來野  
客空勞載酒問蒼龍黃梁夢破留仙榻白日雷纏束

練峯四月相期尋舊約石門莫使薜蘿封

其二

天迴峽勢轉龍湫采藥懷人嶺上頭石室定藏堯甲  
子桃花不識晉春秋眼中聚散空陳迹世外山川起  
勝流坐對高巖千尺雪他年合築聽泉樓

孟夏與石民栩野尋積霖谷最幽處

陶陶孟夏草含風徑折林迴望不同挂壁溪流生世  
代看雲人意落鴻濛天圍灌木山仍轉石坼層關水  
自通高臥夢回聊濯足壯遊真欲踏龍宮

登扶雲峽望霜潭

高峯對抱闢神扃倒挂飛流似建瓴絕壁尚能開鳥  
道深林何處不能腥潭藏雷雨雙崖黑峽積風雲足  
練青莫說洞庭通地脉扶桑東下是滄溟

其二

青霞雙起簇高標峽內羣靈夜自朝忽有江湖通窟  
穴初疑巖壑總漂搖驚濤觸石雷將出急溜迴風海  
欲潮好跨天門追練影他年人擬赤城橋

與張子云臥鏃雷峯聽霜潭瀑布

誰從絕巘問羲皇夢逐高雲下大荒一片秋聲生澗  
雪千林寒氣落晴霜空勞填海悲精衛似可凌虛引

望羊更訪泉源問消息雷霆深處自蒼蒼

送馬習仲歸南山

一衲投林遠避名壯心消盡學長生龍頭尚繫千秋  
望驢背空懷五嶽情海內英雄思劇益天涯流落老  
荆卿偶因賣藥閒來往何必龐公不入城

月夜與石民壺石渡齋堂島

高歌忽覺海門空身世相忘香靄中乍喜吹簫臨極  
浦安知鼓枻下秋風人多覆轍天堪恃地盡洪濤路  
不窮欲采珠光探貝闕往來潮汐自神工

其二

烟濤月出影青蒼萬頃玻璃一葦航  
鰲背自橫雲氣上龍吟忽起櫂歌旁  
乘潮天本無傾覆履險心能化  
渺茫莫訝洪流宗百谷幾回清淺變滄桑

九日與張石民兄弟陳子璞趙壺石僧天緒遊

崑山覽楓橋之勝

楓橋橋上盡丹楓橋下飛流挂玉虹  
山秘地靈從客訪木因樗散與天通  
誰留青眼酬高士聊折黃花贈遠公  
野水投竿隨雁鷺笑看鷓鴣擊秋風

其二

茱萸插徧酒人狂披髮高吟動天荒  
丹就空憐金杏

老

相傳漢武帝種金杏於此

璞完翻為玉工傷

山出玉甚佳

雙流破壁

颺烟渚斷壑通雲駕石梁安得身閒如散木  
年年飛葉送重陽

和趙壺石秋日感懷元韻

樓頭斜日坐吹簫樓外秋光散  
沈寥亂後辭人無雅頌古來高士在  
漁樵乘桴便欲凌滄海煉藥還期出絳霄  
不合時宜甘遯迹白駒嘉客自逍遙

穀日與石民栩野昆鐵過服鄰劇飲觀馬燈

穀日日暖春漸長薄暮欲雨雲蒼蒼  
老人乘興覓殘醉少年何事非歡場  
燈影那知生騾耳鼓聲已覺追

孫陽馬上忽聞歌出塞祁連山外月如霜

其二

今年燈市聞所聞填街士女走紛紛老驥熱中亦何  
事良工流盼將空羣紫焰光生千里足紅塵影散五  
花文休將醉眼誇神駿為爾還憂齒自焚

其三

令節誰能老不狂傾鐫祈穀答年芳笙歌尚有昇平  
響燈火還生巷陌光動自憐雙蹠蹙凌風忽奮一騰  
驤千金莫覓驪騮骨皮相真者是乘黃

擬壽霜潭龍

為霖大夏九州同千尺靈潭碧海通自有雲雷拯物  
命翻憐草木感神功他年采藥還方丈昨日談經過  
閣風五嶽消磨鱗甲白端居太極渾茫中

雨後與張石民王羽翁登超然臺

為聽蛙聲問大蘇荒烟寒雨淨平蕪十年城郭生今  
古百戰樓臺乍有無沙背林浮澗水遠天邊雲鎖穆  
陵孤堪憐少小追歡地此日登臨半老夫

寄周殷靖

寺中月夜談詩處塔影松陰又隔年歸去定留江北  
夢重來應泛海東船途窮文字多無賴世亂英雄半

苟全莫為懷鄉頰作賦錢塘秋色鎖烽烟

中秋夜集隋昆鐵半舫齋與馬愚臣張石民丘  
桐樵隋東望分韻

天末晴霞散夕陰老年幽興共誰尋  
萍開月色全依水亭遠燈光靜過林  
起舞空留霜後影哀歌難寫醉時心  
臨風莫問秋何處鴻雁聲中一夜深

其二

亭外林風入夜清踏歌人在鏡中行  
山河無恙還秋色今古難消此月明  
翠靄斜連高柳合白雲忽過似湖平  
似湖昆鐵塘名題詩不覺聞雞早却憶蕪陵別後情

丁巳初二日立春

雲從滄海捲東風積雪全消一氣中  
不見高天陽乍轉那知寒谷律難窮  
山川漸覺歸春色草木安能感化工  
隔巷時聞喧爆竹新年樂事在兒童

丘媚庵王任庵北門劉世卿舍姪秀實集小齋  
賦得吾亦愛吾廬其二

衡門之下朝生烟白日透隙猶晏眠  
室中琴瑟何鏗爾窻外天地常蕭然  
幸無俗物煩結束時有雲氣相周旋  
披衣科頭自我法得閒且註逍遙篇

贈琵琶生有序

琵琶生者不知何許人携一鐵杖一銅琵琶  
遨遊兩粵吳楚甚久聞其為魯人故又往往  
寄跡濟泗海岱間其人多力善飲酒醉則持  
其杖舞彈琵琶一再闋輒泣數行下今年春  
遇之韓王壩上為予奏高山流水廣陵散地  
水火風等百餘曲皆世所未聞者其音兼琴  
瑟鏡吹金鼓雷礮甲馬其彈純用左手自成  
聲右手時扇之不以指彈也至於扇不著絃  
處其音尤妙蓋其傳得之西域銅琵琶亦西  
域人所貽云

此夕初聞變徵聲潛蹤十載恨將平山河久散興王  
氣江海空傳絕藝名矐目漸離猶擊筑漆身豫讓罷  
談兵傷心莫奏鴻門曲五柞長楊草盡生

其二

法曲猶傳天寶年梨園弟子漫相憐纔拋血縷荆卿  
劍來奏春風賀老絃馬上王嬙青冢月笳中蔡女白  
狼烟莫因流落悲非土橫海曾傷舊戰船

紀伯紫自秣陵寄詩賦此奉懷

布衣雄世如君少白首辭塲擅大名詎意新詩來建  
業翻思握手聚燕京愁中天地空烟水別後江山有



甲兵垂老相逢是何日飛鴻昨夜過蕪城

得周櫟園先生集感賦

一代風流想顧厨詩成白雪紫髯枯高名翻被時人妒  
瀕死難忘野興孤甘使文章招坎壈苦搜遺佚徧  
江湖朝中雅度如公少牢落闔天與海隅

其二

真意亭中酒氣清雲門山外夕陽平憐予賦繼黎陽  
叟媿說詩追歷下生萬古精魂留海嶽一官險阻到  
公卿虛勞相歎知名晚自負深恩老未成

戊午立春日記興

城隅冰泮草萋萋暖室梅花吐未齊潑墨漫誇高遠  
句負薪屨誑買臣妻春增甲子驚新曆老怯風塵戀  
舊谿還逐少年沽美酒醉來學唱白銅鞮

渡渾河

乘槎似可通銀漢擊楫中流客興豪但見秋陰連地  
起那知河勢出隄高天寒雁鶩藏深渚日落蛟龍壓  
怒濤已駕長風凌渡口還驚烟水夢魂勞

燕山夜雨

黃昏坐聽瀟瀟雨半榻蛩聲冷似霜一夜寒風生易  
水千山秋氣下漁陽僧寮鐘定鄉思遠海路雲深客

夢長莫聽荆高閒擊筑孤城砧杵久心傷

重九前二日過天寧寺訪王任庵

細雨塵消出帝京來尋古寺聽鈴聲寒山漸近添  
秋色曠野如歸慰旅情林外風鳴黃葉下天邊塔湧  
白雲平樽中剩有陶家酒不遣閒愁醉後生

送天生弟終養歸秦

服官幾日近西清不負君恩有此生共道馬卿工  
作賦誰知李客善陳情鄉心暗逐函關遠驛路斜連  
華嶽平歸去秦川闊過雁秋風還似菊門聲

其二

相看此別路茫茫天孝能留青史光一疏辭官迴  
聖主半生竭力在高堂寧親甘使烟霞老至性難將  
爵祿償羨爾守身兼養志異時未必識行藏

寄懷丁洛酒都諫

初春相送已潛然別後懷君可判年豈謂馬卿仍善  
病久知予子欲歸田丹書暫向山中覓諫草還從海  
上傳為報故人高臥穩炎方實已靖烽烟

秋晚西海子眺望

苑外妝樓有舊臺冥冥輕浪隱風雷湖通銀漢鷓鴣  
集地湧金鰲菡萏開北渚晴光浮樹遠西山秋氣抱

城迴 君王旰食憂民切莫遣魚龍望幸來

辛酉人日飲孔心一觀察齋中其二

窓下寒梅花滿枝河邊細柳漸成絲逼人物色此何  
日逝水年光能幾時座上清罇同北海春來新社近  
南皮宦情堪笑吾真懶欲託心期有紫芝

上已慈仁寺海棠下餞別孔心一觀察粵東

佳辰細雨草萋萋客逐東風各杖藜美酒還傾蕭寺  
裏離心已到夜郎西春深是處堪幽賞花老無情怨  
解携明歲流觴相憶否天涯獨聽鷓鴣啼

其二

炎荒南望路漫漫惆悵臨歧酒未乾高會不因修楔  
至將離且向好花看歸來奴子多蠻語到日黎人識  
漢官別後海棠開更滿能無回首憶長安

與耿又樸前輩袁杜少編修龐雪崖檢討集韻

伊在前輩齋中送春得歸字

舊約西山願已違桃花開後野花希愁中時物頻經  
眼老去流光戀落暉別意似從南浦散離情如送故  
人歸明年春色還相識定為滄洲早拂衣

贈李鄴園制府

坐鎮身為萬里城援枹親聽鼓鼙聲丹心不向軍中

老白髮初從戰後生談笑一麾閩海靖山河無恙浙  
江平于今故壘皆秋草聞道留侯計已成

送施愚山先生校士河南

秋色仙槎一送君中原辭賦久相聞乍看廣武天邊  
出忽有黃河樹杪分水鏡新懸嵩少月人師舊倚岱  
宗雲英雄多向夷門老更訪深山鹿豕羣

七月二十一日 上御瀛臺天燕羣臣兼 賜

彩幣有差

已歛盤餐徧百寮更從西苑轉蘭橈頒來織女機中  
錦捧出簞人海上綃此日承筐同拜舞十年披褐自

漁樵微臣慚媿 皇恩渥薄劣何由答 聖朝

其二

蕪葭菡萏滿湖潯湖上青蔥玉樹林北闕晴光浮御  
氣西山翠色落秋陰還將百寶堆雲璣來燕羣工向  
日心多少蒼生齋待澤應同侍從沐 恩深

送于子先學憲之粵東

幾年擊鉢題詩侶此去檐帷萬里開雪夜尚傾燕市  
酒客心先到越王臺地標銅柱天涯遠日落珠崖海  
氣迴別後懷人惟有夢那能分手不徘徊

送少詹事崔夏章先生 祭告長白

二月東風柳作烟 聖朝裡祀簡材賢江流自抱興  
玉地山色常橫北極天此去回看星斗遠到來忽見  
雪霜懸即今河嶽懷柔日正是乾坤震疊年

萬柳堂餞別相國馮公次韻

秋風別意滿垂楊踈影蕭蕭半帶霜人為分携重載  
酒詩因贈遠轉思鄉相國與子皆籍青州杜陵西閣離愁起謝  
傳東山歸興長明歲柔條依舊綠更誰相對樹千章

送姪溶東歸

三年回首苦相違昨日重來今又歸短髮吾仍淹  
帝里長途寒莫換春衣塵開涿鹿聞吹角馬渡滹沱見

落暉衰病心傷空悵望柴門深閉淚頻揮

送李斗南將軍之粵東

熏風南去荔支香五嶺炎天道路長椰子林中朱勒  
馬木綿花下綠沉槍職方已向珠崖盡王會還來銅  
柱旁莫訝海濱鯨浪息長纓曾繫夜郎王

寄楊六謙兼懷錢伯衡

五年再遇長安陌十里鶯花伴客還懷友稔康原命  
駕逃名种放又歸山漁樵業在空相憶文字官貧祗  
是閒寄語齋盟兄弟道天涯悵望各衰顏

客興

蕭條客興水中鹽  
永夜寒燈伴軸籤  
欲把怨情酬李  
白却將別賦弔江淹  
尺書不到人千里  
鄉夢初回月  
滿簾窗外雪霜深  
幾許朝來變盡舊長顛

病臥有感

他鄉病臥誰與談  
昨宵歸夢南山南  
乍晴未晴寒轉  
劇欲食不食心常貪  
蹭蹬向人祇自厭  
崛起入世還  
不堪此身搖落似  
衰柳能無感憤悲江潭

乙丑人日與張行偕舍人吳在公張恣公戶部

傅默庵大行飲張夢臣兵部宅

長安風靜亦生塵  
綵勝椒盤事事新  
病為鄉愁還作

客老逢人日不禁  
春且聽簫鼓酬佳節  
漫擲泉盧信  
此身強起衰慵拚  
縱飲吾儕傳食定  
經旬

送方田白歸金陵

寄我新詩比雪清  
曾聞家世擅詩名

田白為爾  
止從子齊州

相遇青春老京國  
重逢白髮生  
斷雁西風催客棹  
浮雲落日總離情  
他鄉最苦良朋少  
贈爾愁心到石城

與孫孟滋光祿張杞園孔目小飲草橋作

右安門外風光好  
淺水荒田半種杭  
亭下霜荷從潦  
倒罇前雲木半淒清  
驚心搖落秋來興  
悵望關河老去情  
愁絕晚烟騎馬路  
隄蘆岸柳共砧聲

冬日盧溝橋大閱

盧溝兵氣逼人來，橋外屯營鼓角催。  
一道塵生飛騎過，九霄雲靜盡旗開。  
金戈耀日貔貅集，鐵甲搏風鷲鶴回。  
不為長楊新羽獵，那知天子自雄才。

送張杞園孔目東歸

殘臘蕭條別思生，垂楊不繫故人情。  
金門舊事傳方朔，玉殿新闡薦馬卿。  
時杞園試居第三名夜雪孤燈瀛海路，寒風短策廣川城。  
歸來儻見漁樵侶，為報東臯及早耕。  
丙寅正月初四日與趙壺石兄弟登阜城門樓  
帝城春至氣佳哉，曉日登臨霽色開。  
山擁太行還北

拱天銜碣石，自東來隄邊映水皆。  
新柳樓外聞歌半落梅，輕颺條風多麗景。  
五雲縹緲護蓬萊。

其二

北平春色入觚稜，携手丹梯醉後登。  
珠吐樓臺新白塔，山圍草樹舊諸陵。  
晴霄明滅千林雪，暮靄熒煌萬戶燈。  
更倚雕欄望東魯，故鄉遙隔碧雲層。

題劬垣於陵別業

榛莽芟去開柴關，於陵先生竟日閒。  
一溪窈窕魚子水，數峯杳靄長白山。  
遠岸不斷野花發，平沙時有鳧鷖還。  
此中風物舉何似，杖藜疑入青真間。

周殷靖過寓深談有感賦此贈之

客久應知典敝裘誰能抱膝住皇州相如無病還憂  
渴洗馬多情祇自愁天使文章酬薄命地連關塞易  
悲秋傷心莫效窮途哭寂寞他鄉已白頭

送張行偕戶部權稅南海

乘軺明日向南天萬里襟帷嶺外懸盛世來王通海  
嶠使臣柔遠靜風烟雲帆夜泊占城估雪浪春浮真  
臘船莫謂百蠻多寶玉知君原可飲貪泉

送郝稷人按察川東

新從天上問蠶叢駐節鳴笳向朔風萬里人來巴子

國千山雪壓楚王宮時平尚覺招徠晚亂後誰憂枵  
軸空惆悵良朋各分手幾回清夢到川東

秋日雜興用棚野韻

秋原芳草引離情海內親知半弟兄幾載浮沉漸薄  
祿半生潦倒笑虛名天高鶻影投遼海日落笳聲動  
北平妄擬立功酬夙志衰殘初學事公卿

報國寺雪中與庭表勉曾雪崖公凱送子仁南

歸

當年五十人誰在又送巾車出國門羨爾辭官真勇  
退憐予垂老倍銷魂江湖浩蕩瀉千里兄弟淒涼酒



一罇不醉可能容易去此生難負是君恩

其二

尋常送別慈仁寺今日翻憐送子歸十載俄驚人易老一官漫道世相違愁來客路同心少別後天涯見面希聚散良朋餘幾在淚和風雪共沾衣

登真定陽和樓

白眼憑高四望開為憐足病重徘徊沙渚遠樹潯沱轉樓接飛雲北嶽來迢遞層城邀落日間關萬里又登臺壯遊未覺風塵苦憑仗他鄉濁酒杯

渡黃河

太行西折避洪波欲釣金螯柰若何十里地平趨廣武一帆風滿渡黃河初疑久客聞鄉語却喜中流有櫂歌濁浪莫須驚險絕幾曾滄海駕鼉鼉

荊州

荒城四面少高樓城下雲飛雨乍收官道日斜烏柏冷野滕水落稻花秋江分吳蜀開雄鎮地接滇黔控上游盡瘁武侯功不就古今遺恨是荊州

清化驛山行

嵐烟四面散空濛迢遞輕輿宿霧中南國秋光烏白樹殊方鳥語白頭翁看雲乍覺雙崖合絕壁安知一

徑通東望藥山青在眼可能高枕聽松風

初入滇南二首

彩雲生處起秋風金馬青蒼在眼中地控鐵橋分六  
詔山連黑水下三崇開疆未可輕莊蹻設險真堪笑  
使僮王會車書令萬國昆明何必漢時功

其二

瀟瀟細雨柳鬢鬢無數青山映碧潭王制舊曾聞寄  
使漢家偏欲拓西南到來馬首魂方定過去羊腸路  
不堪一片松風香滿眼清谿洞口好停驂

關索嶺

關門烟雨散空濛鎖鑰西南一氣中天外秋光浮貴  
竹雲邊山色壓烏蒙蒼苔漬石侵崖黑斜日穿林射  
峽紅自笑平生多感慨登高懷古意無窮

準提閣望秀嵩湖

小閣憑虛野色開為憐怪石重徘徊天空山勢參差  
出草濶湖光縹緲來淺水飛鳧秋興遠浮雲落日客  
心哀荒村濁酒無沽處空羨漁舟去復回

于鼎臣方伯許元功臬司王劼軒吳在公兩觀

察招飲五華山

徑轉松林入翠微五華遙映白雲飛山浮嵐氣來杯

酒風動湖光上客衣百戰關河餘舊壘孤城烟火半  
斜暉憑高漫起尊鱸思聊慰他鄉一醉歸

登太華寺大悲閣望滇池作

香臺高擁萬山平無數烟雲繞澗生杯底嵐光浮太  
華簷前秋色挂昆明空餘戰壘悲戎馬似有霜風動  
石鯨我醉欲留歸路晚滿湖鷗鷺擢歌聲

歸自龍泉觀道中紀興

同湯禹若  
周汝青

晚日陰陰照野田青浮麥隴細生烟邗山遠勢斜通  
蜀龍渚分流盡入滇柳色孤村宜雨後梅花十月似  
春前明朝擬別千峯去回首同遊已判年

貴陽喜晤田撫軍綸霞

千谿烟雨北歸身留滯滇南已數旬華髮相逢今萬  
里青山一別又經春雲迷徼外憐羈客雪滿天涯夢  
故人此夕貴陽更漏永樽前離緒好誰陳

與登封令王子明登嵩山絕頂作

漢武帝聞  
呼萬歲處

縹緲山風宿霧開中原春色共徘徊西臨御峯諸峯  
伏背繞黃河一線來杖撥青霞窺巨壑檐低白日下  
深杯如何漢武嵩呼處不見當年封禪臺

送伯含出守都勻

都雲出守漫思鄉苗語羅風屬鬼方地過偏橋無瘴

瀟江通麻哈變陰陽  
牂牁舊事思踰橋  
銅柱遺銘記馬王  
若到黃絲楊老驛  
二郎祠近竹三郎

重陽後一日王阮亭少司馬招飲與徐華隱論

德同賦

分得公餘一夕間  
高門清寂似柴關  
丹楓葉向霜前老  
華髮人從徼外還  
遣興宜澆十日酒  
懷鄉聊話九仙山  
風流滿座真堪戀  
愁聽金壺杳靄間

其二

圖書一室滿三車  
坐倚湘簾燭影斜  
有客談詩聞過雁  
何人酌酒對黃花  
朝廷勝筭推司馬  
海內諸生

擁絳紗却憶去年重九日  
碧雞山上望京華

歸興

遊倦翻思獻賦年  
衣香曾惹御爐烟  
青雲侍從同枚叟  
白首詩書類鄭虔  
稽古難忘編史日  
承恩常憶泛湖船  
辛酉賜晏事涓埃未報空歸去  
欲別京華已黯然

其二

秋月將圓雁正飛  
川塗雨歇散晴暉  
久忘江上鱸魚美  
忽憶山中蕨菜肥  
去國尚憐東省聚  
涼風偏送北人歸  
敢同陶令嫌腰折  
自命中車便拂衣

其三

十載長安鬢已星歸田那復怨飄零遠遊舊借皇華  
使薄官曾分白燕廳講廳為白燕廳每被遷除思祖德敢  
將出處負朝廷家園人物應非昔不改雙峯萬仞青

宿天津

燕關雪後暮寒生冰結鹽灘落日明粟轉千艘供  
帝闕地雄三輔護神京孤城傍岸河流壯遠水浮天  
海氣平燈火閉門添旅思朔風遙送管絃聲

抵東武有感

故國多年路已迷河橋變盡舊長隄黃泉惡淚詢良  
友白髮垂肩認老妻征馬慣隨斜日散夜烏還傍古

城啼燈前莫話傷心事今夕真堪醉似泥

癸酉小寒食雪崖邀同方寅杜鳳舉雪塢上人

東林看花

節近清明杏始開數枝紅蕾共徘徊春寒蛺蝶羣飛  
少地僻賓朋並馬來作達宜歌將進酒尋芳難覓最  
高臺衰年倍愛看花約何處逢花不醉回

一覺上人邀增壽庵看藤花同雪崖杜少鳳舉  
隔年走馬尋蘭若欲別重來是夙期客到正逢花落  
後詩成偏值雨來時沾泥葵葉翻階靜繞榻琴聲出  
戶遲時雪塢彈琴近郭烟生歸路晚綠楊淺水共參差

得家書寄故鄉親友

家園書信近來希問我他鄉胡不歸客子曾誰憐老  
瘦世途多半羨輕肥傷心八口同懷土引領千山夢  
拂衣惆悵東風騎馬路數枝楊柳弄斜暉

其二

由來賢路本崎嶇况我無才老更迂三仕何曾求富  
貴一麾終自臥江湖詩題白社新禪侶人散黃公舊  
酒罇莫訝他鄉久留滯野夫垂索正饑驅

王龜承郡丞招飲雲龍山同王君宜廣文舍姪  
仙李孝廉

隄外層山九曲橫山連濁浪與雲平川原尚有英雄  
氣風雨如聞戰鬪聲國勢四圍開霸國河流三面繞  
彭城堪嗟劉宋興七事不及空亭處士名

山有張天驥放鶴亭

乙亥入日西村病起送馬維斯入城

今年七葉冀開日病臥西村苦有身千里初歸仍是  
客一罇相對又逢春竹風雪徑深幽圃岸芷汀芋慰  
老人慚愧良朋能好我夕陽送別隔前津

將與石民南遊留別服鄰孟遷子璞諸子

誰能七十愛遊蹤携手良朋萬里從五嶽久憑華表  
鶴九州新付葛陂龍杯傾螺女江中水袖拂羅浮海

外峯聽鳥看雲應憶我故園歸後有喬松

與石民再登黃樓有感

隔歲登臨續舊遊重將白髮對黃樓推窓峯逐人烟  
上繞郭河從雉堞流幾處夷歌仍楚舞千帆禹貢古  
徐州荒祠寂寞蘇公遠汴水桓山不盡愁

趙紫鈞孝廉招飲清涼山

細雨連宵今始晴耿公祠下聽啼鶯青春作客登臨  
興白首聞風感慨情二水烟雲迷晉壘六朝花柳變  
臺城幾經成敗江流去依舊金陵歌吹聲

遊天門山同張石民息機上人

雙懸絕壁纏風雷東梁西梁相對開雲邊估客孤帆  
下天際長江萬里來宋殿桓墳同落日吳山楚水此  
登臺謫仙題後詞人少寂寞魚龍夜夜哀

過谷上人歇庵

窈窕空山桂薜蘿新秋爽氣滿巖阿初疑世故雲邊  
少忽有蟲聲草際多亭下半規收碧落窻中一曲瀉  
黃河片帆歸去吾將老遠道相思奈爾何

西山道中

深樹浮烟翠不流西風客路下齊州荒村烏雀寒相  
並野浦蒹葭晚自愁斷水殘山憐暮景飛雲落木自

清秋尚平久已完婚嫁何日真成五岳遊

桐江舟中懷龐雪崖卽中

吟詩我愛龐居士畫省棲遲思不勝清夜獨看嚴瀨  
月行舟誰解富陽燈物華堪戀惟山水人世難逢是  
友朋此夕安能跨黃鵠秋江萬里共飛騰

過廣信

小山石淨削丹梯雲氣陰陰路欲迷八月砧聲思海  
右一帆秋色過江西塵中野客鴻無定雨外寒城烏  
自啼好買濁醪消旅況玉壺顛倒未堪携

姑蘇舟中遇朱竹垞檢討

與君別已六年久風雨舟中却遇君我病所須仍藥  
物君歸果是等浮雲錦帆涇側聞蛩語鄧尉山頭看  
雁羣明日重陽一罇酒渭城歌罷手還分

與岷公同至江村訪遷甫

三年再踏江村路翠竹平沙引興長蛩語堪悲還作  
客雁聲難聽正思鄉重看池沼波仍綠舊識梧桐葉  
半黃一笑相逢惟痛飲漫因搖落怯經霜

其二

致書不達關河遠相訪虛期歲月長多病老人難會  
面傾罇良友似還鄉風帆無定江湖白天地將衰草



木黃豈畏堅冰急歸去吾徒久已履嚴霜

將歸留別此公秋士遷甫仍用前韻

寒天訪友愁宵短抱病思兒恨路長千里風烟如故  
國五更鴻雁自他鄉請看此別頭先白縱使重來面  
已黃念我休留形影在歸途輕踏板橋霜

臥象山房詩正集卷六目

五言絕句

揚子舟中見月

與吳元任山夜閒步

任尺公入燕不果復遊安定二首

笋圭石

細草谷

傑門

硯潭

閣霖柱



梅子關

野薑花

南浦橋

臥象山房詩集卷之六

琅邪李澄中漁村著

五言絕句

揚子舟中見月

一片琅邪月相隨萬里舟  
篷窻照不定更入大江流  
與吳元任山夜閒步

木落衆山空鐘聲遠亦歇  
獨懷萬古愁俯仰見明月  
任尺公入燕不果復遊安定

燕昭不可見好士更何人  
暫作離亭葉隨風遠入秦  
其二

馬上賦西征鄉心萬里生不知青海月還照古長城  
笋圭石

何來此圭壁散置在空山夜半朝羣帝珊珊玉節還  
細草谷

峽勢忽以深野風吹謾謾不見餘牛人細草滿空谷  
傑門

雙崖劃石門寒玉洗山骨垂釣忽忘魚散髮弄明月  
硯潭

混沌鑿此池中有倉頡魄我欲誌名山落筆成鳥跡  
閣霖柱

怪石若豕頭倒著發深省須知上帝仁不欲風雷猛  
梅子關

曲折關門路梅枝影半斜歸途逢雨雪處處踏梅花  
野薑花

道左明人眼紛紛放白花誰憐薑桂性拋置向天涯  
南浦橋

萬古江郎賦銷魂此地多年年春水綠無奈別離何



臥象山房詩正集卷七日

七言絕句

題周櫟園先生畫冊二首

揚州送舍弟任公先歸兼寄家兄彭仲二首

題畫

寄龍標施東二首

寄孫仲孺

送周殷靖

聞周岷公再入長安聊寄此作

石屋山歌二首



平滇曲存四

寒夜聞柝

送李王書之岳州二首

丁卯元夕飲米紫來官允挹秀亭二首

送胥麓庵出守石阡二首

題臧介社中垣愛月圖二首

次孱陵驛

新店驛雨後口占

宿江樓

沅州山中聞鷓鴣

白水河瀑布

九峯寺

尋甸關嶺武侯祠前古松

十二月二十四日歸次常德聞雁

望少室二首

咏漢二將軍柏贈耿逸庵先生

與石民服鄰昆鐵霞標陶仲入南山尋白雲村

址二首

題畫為陳工部

留別鼎望二絕

登子房山

雲龍山放鶴亭懷古寄張石民

東山寺贈崑山大師

送海雲子遊姑蘇

廿八都聞鷓鴣

大王峰

幔亭峰

鐵笛峰

上昇峰

天藏峰

玉女峰



臥象山房詩集卷之七

琅邪李澄中漁村著

七言絕句

題周櫟園先生畫冊

霜空翠削萬芙蓉  
欲躡烟霞杖短筇  
紅葉徧山秋幾  
樹天風吹落石門鐘

其二

櫂歌縹緲白雲間  
無數漁舟天際還  
卷外忽驚風浪  
起中流湧出小孤山

揚州送舍弟任公先歸兼寄家兄彭仲

王孫芳草綠萋萋千里長淮夢不迷此去休貪年少  
樂湖邊盡日鵲鳩啼

其二

天涯送弟淚痕雙多少雄心此際降歸去士衡應問  
訊道予明日渡邗江

題畫

楓林夾岸碧霞叱石激江流風浪喧一片孤帆雲際  
下兩峯對起是天門

寄龍標施東二絕

不為思鄉望斗杓蘼蕪春色盡蕭條天涯亦是長安

月偏照江頭麻哈橋

其二

醉裏誰堪憶故鄉春風萬里共垂楊衡陽南去無征  
雁何處青山是夜郎

寄孫仲孺

相逢歷下草蕭蕭雪藕銀絲屢見招別後百花洲上  
月秋來偏照嵒華橋

送別周殷靖

朔風吹雨髮蕭蕭分袂旗亭夢已遙一望青山橫海  
斷不知何處浙江潮

聞周圮公再入長安聊寄此作

囊空燕市酒難釀壯士悲歌久不聞我欲相從同擊筑  
秋風草沒漸離墳

石屋山歌

野夫扶杖得從容石屋山頭聽暮鐘一縷白雲自今  
古春來桂徧洞門松

其二

丹崖架壑秀芙蓉玉洞常寒白雪封手折桃枝問金  
母落花飛上納陽峯

平滇曲

聖朝一舉奏膚功禹貢梯航萬國同自是神機推  
廟畧捷書昨報未央宮

其二

戎衣隊隊羽林兒伐畔西南大出師 聖主臨軒親  
策命英謀未許外人知

其三

將軍拜命紫宸朝結陣魚麗殺氣遙無數笳吹當落  
日天旗風閃馬蕭蕭

其四

血洗金刀力未孤轅門戰勝自鳴枹休誇玉帳龍韜

策馬上成功仗 廟謨

寒夜聞柝

薄宦天涯久未還飛霜昨夜滿燕山空憐寒柝聲聲  
急誰識侯嬴正抱關

送李玉書之岳州

一官清似玉壺冰南去扁舟興可乘白草丹楓同近  
遠天涯何處是巴陵

其二

洞庭湖在岳州西湖上青青草未齊讀罷離騷憶公  
子黃陵廟裏鷓鴣啼

丁卯元夕飲米紫來宮允挹秀亭

樓上春光劇可憐遠山一帶夕陽前推窓面面風雲  
起何似當年書畫船

其二

丹梯百尺醉堪憑北斗闌干挂玉繩耆舊家風傳太  
僕小樓四面米家燈

送胥麓庵出守石阡

仙郎才大冠京師五馬風流繫我思不信西南天地  
遠鳴鞭新過竹王祠

其二

鷓鴣啼處近船窓  
禹甸山川此舊邦  
天末羅施人不  
到一杯閒送石阡江

題臧介社中垣愛月圖

樹浮孤塔遠山青  
入夜湖光動杳冥  
一葉扁舟明月  
下澹烟縹緲是西泠

其二

閒官留滯再經霜  
明日抽簪返故鄉  
猶有黃金臺上  
月相隨秋色過錢塘

次孱陵驛

青陽湖上鳥飛雙  
草色孱陵映碧幢  
笑問南行今幾

里天涯昨日渡荆江

新店驛雨後口占

輕輿曉向山背行  
千山萬山雲氣生  
潺湲客夢一夜  
雨四十八渡皆秋聲

宿江樓

風吹雨氣夜如秋  
船上鷓鴣水外樓  
一片青山明月  
下隔江燈火是辰州

沅州山中聞鷓鴣

空山雨氣散新秋  
匹馬王程不少留  
怪爾聲聲行不  
得七千里外過沅州

白水河瀑布

雷霆百尺瀉回波潭內雲生片片過不見晴川明月  
下誰知天上落銀河

九峯寺

溪邊峽口共幽尋院小能生物外心一樹松香烟火  
起濕雲寒雨九峯深

尋甸關嶺武侯祠前古松

相傳為武侯會盟處

秋滿關前草色平武侯祠下白雲生千年化石松枝  
老散作空山風雨聲

十二月二十四日歸次常德聞雁

楚人以是日祀竈為小年

祀竈誰憐旅思生四圍簫鼓小年情天涯此日腸堪  
斷鴻雁初為故國聲

望少室

欲往從之不可攀少室太室祇一山終朝車馬亦何  
事吾將散髮青雲間

其二

山光漸逼翠漸微洞門惟有山鳥飛側身悵望一嘆  
息三十六峯天下希

咏漢二將軍柏贈耿逸庵先生

牢落空山漫自哀斧斤銷盡棟梁材誰知半死將軍

柏曾見金泥玉檢來

與石民服鄰昆鐵霞標陶仲入南山尋白雲村

址

白雲村在白雲邊雲裏清泠響玉泉我欲種桃三百  
樹落花流到洞門前 白雲洞

其二

孤鶴橫江戢羽遲丹崖削壁若前期分明巢在三珠  
樹誰見重來華表時 棲鶴山

題畫為陳工部

雲裏茅亭隔水湄一叢竹樹映參差分明臥象山中

路巖壑無人細雨時

留別鼎望二絕

長隄楊柳覆青門送客情深酒一罇不道鄒枚垂老  
後重吟白雪別梁園

其二

漢家隆準列雄藩孝友梁王諸季昆別後天涯芳草  
遠山中昨夜夢王孫

登子房山

蕭蕭華髮舊紅顏采藥猶堪問大還我亦欲從赤松  
子吹簫閒過子房山

雲龍山放鶴亭懷古寄張石民

山畔猶存處士名春風懷古不勝情  
君家亦有鶴亭在一曲南飛過楚城

東山寺贈崑山天師

戶外青山鳥亂啼閒雲一片草萋萋  
彭城亦有東林寺莫把黃河當虎溪

送海雲子遊姑蘇

吹笙騎鶴本同流此去姑蘇是勝遊  
到日楓橋應夜泊白雲一片五湖秋

廿八都聞鷓鴣

千山雲氣萬山筠石路銷磨化作塵  
自是蠻方行不得天教啼鳥勸遊人

大王峯

山頭雲氣欲成龍事去千年尚有蹤  
曾與仙人拾瑤草幾回蛻骨大王峯

幔亭峯

銀璈玉管不知年火棗冰綃擁列仙  
燕罷子孫天地老下看海水變桑田

鐵笛亭

道人老去不知愁藜杖相扶萬里遊  
更倚月明橫鐵



笛一聲吹落海門秋

上昇峯

峭壁峻增不可登步虛聲落杖枯藤誰知煉骨身將  
老纔踏峯頭學上昇

天藏峯

上多仙人  
蛻骨

狂遊煉藥老能閒翠壁丹崖尚可攀莫訝名山仙骨  
衆仙家亦有北邙山

玉女峯

清溪幾曲飯胡霧麻鬢莫怨嗟日日臨流窺寶鏡

前對鏡  
臺峯空山間殺碧桃花